

四庫全書

子部

欽定四庫全書

萬姓統譜卷四十五

明 凌迪知 撰

下平聲

七陽

明 王觀

祥符人性耿介儀度詳整語言敏捷洪武中入太學問學識見為衆所服比為蘇州知府發姦

擿伏境內畏憚朝廷嘉其能榜諭天下以勵怠政者

王璲

其先蜀遂寧人自其祖父仕元宋時家吳璲有異資幼則善屬文名籍甚因得備侍從與王洪孟揚達善並以才聞璲等既後進文獨工能立就雖數篇並作受命即奏不淹刻咸以為神諸

欽定四庫全書

萬姓統譜
卷四十五

在位者雅不能善又自相矜許遂被以輕薄名仁廟在東宮試神龜賦極稱善語解縉縉頓首謝不能及後語黃淮淮因謂之遂與孟備先後論死

王璉

長山人器局沉凝學問精密師事宋濂洪武中鄉舉至京召見試詩擢史館編修選入文華堂

王璉

肄業尋攝御史按河南回奏稱旨上說謂近臣曰文華堂諸生如王璉等皆異日將相才也與楊溥等入直內廷璉稍醇謹文亦不逮遂故

得優游免兄璉以早卒名乃出二弟下

王彛

字常宗其先蜀人父允中教授崑山州學遂占籍嘉定彛博學強記文尤嚴整洪武初與郡人

高啓謝徽輩交善被詔同修元史史成授以官不就而歸時江夏魏觀守郡賓禮賢士未幾以

事被逮彙與啓嘗為觀作文竟連坐
死於京市有王常宗集四卷行於世

王紹原

字復初自幼嗜學治毛詩刻意吟詠伯仲五
人值元季兵興經亂離家以傾廢紹原惟守

淡苦諸弟欲求分異以自便紹原不能已推產
與之唯取先世墓田以供祭祀及海內平于所
居之旁闢一軒扁曰耕讀與常所往來觴
詠自娛灑然無世累有明讀集傳于家

王士寧

生元至正甲辰至成化癸卯年百有二十士
寧少慕養生不受室飲酒食肉走蜀入雪山

投見一老人披襦衣卧深洞中石牀上長三尺
餘耳目口鼻手足皆類小兒士寧頓首拜不答
因執役左右老人不飲食坐側懸一囊中類乾
麤饑輒取啖喝手掬飲澗水一二升士寧饑跪
乞食老人與囊中物苦澁不能下咽士寧捨啖
山果野菜居三年老人憐之忽曰吾語子術子

識之宜出山非其人莫授士寧出雪山後事不可知其
在濟寧居城東深巷敗屋中已六十年濟寧人竊旁伺
士寧久絕火食唯日啖棗數枚或棗數莖飲水少許人
覬遺輒不肯受濟寧指揮王宣者海州人往見士寧駭曰
吾上世有叔祖士寧好道棄家去竟不知所終翁得無是
扣家事皆合宣因日與來往成化七年朝廷下山東徵
士寧俾乘安車來楊文懿公道濟造士寧問但曰靜坐
寡慾坐久瞑目閉息曰我老無能朝廷過聽召我我未
聞道但習靜已久近乃日與人接大敗吾事文懿因問
元末國初事曰一身之外百無所知

王弼

徐州人十歲喪父哀毀幾絕洪武中以薦知樂安縣
陞光祿署丞迎母就養母病顛天求以身代母年九十
卒躬負土成墳廬墓三年哭泣不輟事聞召拜文華殿
大學士辭不稱朝廷不允

欲以風勵天下之為人子者尋改通政司右叅議致仕仍旌表其門曰孝行

王璉

字器之昌邑人洪武中以儒士舉任邑學訓導歷陞寧波知府杜私謁清吏獎尤以造就人才為急或夜分至學以察諸生勤怠毀郡中淫祠以葺公宇寮屬曰廟神極靈宜避其禍璉曰吾欲正民心耳神禍非所懼也卒毀之性廉介儉約厨無甘雉去之日行李蕭然父老追而贖之

一無所受

王珪

合肥人慷慨有大志少為淮西廉訪司隸卒見官長儀衛尊崇輒慨然嘆曰將相無種在人為耳元末兵亂募集鄉民守廬州自稱萬戶尋來歸從征渡江克復太平仍命為萬戶守之積功陞右軍都督僉事

王愷

當塗人幼讀書有大志天兵取太平以愷居幕府既克衢州軍民戍守有方謀慮深遠及胡大

海為行省參政愷為郎中吳將呂珍侵諸暨堰水灌城大海奪堰水灌珍珍勢蹙誓解兵愷曰

彼狡謀勿聽大海不忍食言竟引還珍果敗盟大海及愷俱被害追封愷當塗縣男

王著

涇縣人洪武間任浙江按察司經歷廉能著稱嘗巡溫州州久旱著禱雨輒應慈谿虎為害著

誠禱神虎盡自斃而民遂安後累陞雲南按察司副使

王禕

字子充義烏人幼秀爽奇敏師事黃潛洪武初授江西儒學提舉司校理遷起居注同知南康

府事召修元史為總裁官書成擢翰林待制兼國史編修奉使雲南為梁王把都所害其遺文

有華川集玉堂雜著諸書正統間追贈翰林學士謚忠文

王景

字常齋松陽縣人洪武中為山西叅政與布政使會稽韓宜可同坐事謫雲南後召宜可為副

都御史景與修高廟實錄陞翰林侍講永樂初進陞學士景博學以古文自名亦善於筆札

王彰

鄭州人博學有才望洪武中領鄉薦入太學初授吏科給事中歷陞山西左叅政入為禮部右

侍郎尋調戶部累陞右都御史人莫敢干以私時劉觀為左都御史用法之公人以彰為優云

王冕

字元章越人磊落有大志穿曳地袍翩翩行兩袂軒翥下東吳渡江入淮楚北抵燕都歷覽名

山川披訪奇才使客談古豪傑事呼酒悲歌隱山谷中著書一卷坐卧輒隨秘不使人觀曰吾

未即死持此以遇明主

王升

德清人洪武初坐事繫刑部獄時升子鎮為平涼知縣升寄書戒鎮居官廉潔撫民仁慈報國

忠勤處已謙敬買附子川椒經稅而後寄來獄
得其書以聞朝廷嘉嘆下詔褒美賚白金百兩
絹十匹附子五枚椒五
斤免其所坐復其家

王桓

字彥貞慈谿人洪武四年有司以通經學古薦
於朝太祖高皇帝召見便殿問桓處鄉里好惡
何如桓對曰善者好之不善者惡之一言稱旨
上遂呼為老學士乃命與尚書魏杞山錢惟明
學士宋景濂講論治道踰年授國子學正未幾
轉河南盧氏縣令政教一新民懷其德十二年
致仕盧人立祠祀之先是桓家居鄉人有不平
事無大小咸取決于桓無不得其情者遂稱為
明白先生其所學不事章句務得于心識者謂
其克繼虞賀杜樓之絕學所著有明白先生集
藏于家桓以孫成貴贈都
察院右都御史大理寺卿

王溥

洪武中廣東右叅議性廉謹弟惟信自鄉來省有以布袍遺之者溥怒之曰一衣甚微汚身甚

大命亟還之先是廣運舵木由海道入京屢致漂沒溥相其地通庾嶺晚運遂絕漂沒之患

王沂

泰和人博通諸經元季一試有司不合不復出洪武初徵為說書上書論事授福建鹽運副使

以老罷歸弟祐為監察御史陞廣東按察僉事風稟凜然子伯貞為按察司僉事後為瓊州知

府為政清簡正統中贈吏部尚書

王汝玉

長洲人自號青城山人幼聰敏讀書日記數千言初授翰林五經博士轉左春坊贊善兼

編修贈太子賓客謚文靖弟汝嘉博綜羣籍俱能詩文洪武間為武昌訓導

王忠

武進人洪武間父友諒以輸稅後期法當死忠時年十七即自詣京懇請代父比至會赦免人

以孝稱宣德中以國子生除兵部主事老成練達人皆以大任期之忠以母老懇乞致仕卒于家

王鈍

太康人淹貫經史元舉進士授猗氏縣尹入本朝累官叅政持節撫諭麓川平緬甸宣慰司贈

王撰

淪金貝固却不受還陞浙江布政司致仕李子淪永樂丙辰進士累官戶部侍郎致仕號退翁撰兼編修官命于大本堂授經遷侍制致仕子

弘為龍江遞運所官為丞相胡惟庸家人所懇寘于法惟庸敗召撰父子至京慰勞賜綺帛給

舟車還家

王釐

鄱陽人自少穎敏博學能文洪武初以明經授鄱陽教諭多造就人才召為翰林院編修與修

國史每備顧問奏對稱旨嘗患頭風上以所御藥酒飲之遂愈後乞外補命知南陽府有善政以疾卒所著有羣英雜言詩粹若干卷

王公懋

洪武初為高苑縣丞時有強賊數十人入高苑劫掠民不能禦公懋率民兵捕之賊拒敵

斫公懋左耳公懋不為動擊殺二人餘皆擒之事聞貴綺帛以旌之

王輝

洪武中台州知府不攜家獨父與俱隸僕給薪水之餘不留於舍為政廉明嚴毅吏畏其威民懷其惠至今論郡守之明者王輝為首稱

王博

洪武初開封知府時流移新復反覆未定博寬其徭役禁其侵攘教民闢土地藝蠶桑期年之間民獲其利遂安生理

王新

洪武中廣德州同知奉公守正一毫不取于民雖蔬菜必廉其價直臨事有斷樵者鬻薪忘其

芥即覓之買者昧而不與樵者訴于官新乃解其人之繯陰給其家果得芥人服其術

王惠

其先合肥人徙瓊山嘗從趙謙學博學能文洪武末因大臣薦至京以三喪未舉力辭歸隱所

著有截山詠

史等詩集

王中

登封人家業農未嘗知書性至孝母沒廬墓三年身被衰麻日食飡粥旦夕哭奠未嘗櫛髮易衣墓側無水浚井四丈餘不得泉中環井再拜籲天泉乃湧出鄉里以為孝誠所感洪武間表

其門

王褒

字中美閩縣人洪武中由國子生領應天府鄉試歷瑞州長沙兩學教授遷永豐知縣首革徭

役不均之弊蝗嘗為災褒禱于城隍數日境內
蝗皆死政暇輒蒞學課諸生所業親為講解永
樂中朝京師與修高廟實錄陞翰林修撰又修
永樂大典為總裁官改漢府紀善卒褒性孝友
與人交重氣義博涉羣
書有養靜齋集行于世

王紳

字仲儒諱仲子性至孝痛父死節遂匍匐往雲
南求遺骸既至不可得乃即其處製神主號慟
幾絕洪武末以文行薦授國子博士文章
雅瞻有陶韋風致著繼志齋集二十卷

王賢

江陵人為監生與友王讓同居讓幹往江南以
故人所贈銀十兩故衣一篋托賢收之未幾賢
除鹽城尹讓回除必陽令尋卒後十餘年賢致
仕還家即以所寄之物與讓子不受曰吾父彼
時安有此物賢白
于官拘其子與之

王賓

字用賓鄞人少卓犖不羣甫長博學強記貫穿經史百家避地村疇澹然自適號水村隱者洪武六年舉茂才以母老不起既終養復以文學薦授休寧教諭身率諸生屹屹忘寢食士不慙自勸扶滿考績廷試鍾山雨霽賦及泰鶴賦上奇之命供奉翰林以老辭教授尋郡卒門人私謚曰清節先生祠于學所著有書隱西上游等集

王彬

字文質兗州東平人洪武中進士起家為御史巡江淮治揚州北平兵至彬與指揮崇剛共守揚城指揮王禮欲舉城降彬與剛知之執禮及其黨繫獄彬外禦內防七日不解甲有力士能舉千斤彬常以自隨北平兵飛書城中有縛王御史降者官三品左右憚力士莫敢縛彬禮弟宗厚賂力士毋誘其子出會彬解甲浴盤中為千戶徐政張勝所縛并至城上投北平兵中不

屈死之政遂出禮等於獄與江都知縣張本開城門正德中揚州祀彬名宦

王興福

湖廣隨州人慎言敏行幼以推擇得官丙午冬興福守徽有善政移知杭州時杭初內附

民心猶怯怙未安興福明于大體撫輯多方寬簡不苛大慰民望吳三月久不雨興福致禱立應歲獲有年洪武二年建山川壇于城南鳳凰山下滿秩百姓遮留不得去再三諭遣而後獲行民以彩旗送出境興福謝曰非我之政能惠爾民爾民能奉教條以體我之心也尋陞吏部尚書

王度

字子中廣東歸善人洪武中薦舉授監察御史有風裁北平兵起與齊黃調兵食監盛庸軍密

陳便宜有東昌之捷北平兵南下益急度請募兵未幾有小河之捷敕度勞軍徐州北還鳳陽

京師失守方孝孺與度書誓死社稷
文皇召入謫戍賀州語不遜夷其族

王偁

字孟揚永福人洪武中為國子生永樂初授翰林檢討進講經筵修大典為總裁官為人氣節

高勁議論英發詩有唐人風文章雄偉宏博深為學士解縉所知所著有虛舟集

王艮

字敬止江西吉水人建文己卯鄉試庚辰會試俱第一廷試以貌不揚易胡靖第一改第二授修撰北平兵起輒憂不食日羸憊及渡淮閉門涕泣不已訣妻子服毒死建文君哀其忠遣禮

部侍郎黃

觀諭祭

王良

字天性河南祥符人洪武乙丑進士歷官刑部左侍郎左遷浙江按察使謁岳鄂王墓誓曰苟愧武穆非人也建文君遜位大慟九月詔召良良集臬司諸印私第躊躇未敢訣妻問故曰我

分應死未知所以處爾妻曰我何難君為男子
乃為婦人謀乎遂餽良食抱其子歔歔如廁置
其子池旁自投池死良殮妻畢即列薪于戶寫
遺囑付家人令妥抱幼子匿某僉事家遂舉火
闔室自焚死事聞上曰死本良分也朝廷印信
良不得輒毀今毀印不得無罪徙其家于邊
王省
字子職吉水人洪武五年舉人乞便養授濟陽
縣教諭北平兵至省為游兵所執從容引譬詞
義慷慨衆舍省歸坐明倫堂伐鼓聚諸生謂
曰若等知此堂何為名明倫堂今且勿多論只
論君臣之義如何省大哭遂以頭觸柱死女靜
適即墨周簿聞北平兵至濟陽謂父必死三遣
人訪竟得遺骸歸葬省子
禎為夔州通判亦抗節死

王徐

字叔豐仲縉之子北平被逮獲釋
召用力辭門人謚為孝莊先生

王叔英

字元采黃巖人始從母姓為陳後復本姓洪武二十年辟為仙居訓導陞漢陽知縣高廟

上賓之明年召為翰林修撰上資治八策曰務學問曰謹好惡曰辨邪正曰納諫諍曰審才否曰慎刑賞曰明利害曰定法制識者咸以為經濟遠器在史館同修高廟實錄北平師起奉命募兵廣德聞事不可為乃沐浴具衣冠書絕命詞自經而死所著有靜學齋彙

王真

咸寧人少負智勇以功授右護衛百戶勤慎小心從北平軍臨陣應敵能出奇制勝淝河之戰真率壯士斬獲無算而後隊不繼被圍數匝真氣愈奮斬敵數十人馬上自刎而斃後追封金

鄉侯謚忠壯

王達

字達善無錫人洪武初以明經舉任本縣訓導薦陞國子助教永樂初擢翰林編修預修實錄

陞侍讀學士性簡澹博通經史所著有耐軒集天游彙詩書心法易經選註桂林機要

王宗顯

和州人博涉經史因胡大海見太祖心甚喜之以宗顯為寧越府知府開郡學延儒士時

喪亂之後學校久廢至是始聞弦誦之聲無不忻悅

王興宗

上元人洪武七年知府懷慶移蘇州器量宏廓吏卒有過諭之使愧赧既改又獎勸之人

皆感德不敢犯法

王綱

定遠人性至孝母病躬侍湯藥母沒哀毀水漿不入口三日既葬不茹葷飲酒廬墓三年事聞

旌其門曰孝行

王質

太和人永樂中由鄉舉授南陽縣訓導以才學卓異拜監察御史清謹老成薦陞四川叅政愈

勵前志出巡不食肉人呼為青萊王歷山東右布政使司未幾召為戶部侍郎尋陞刑部尚書

復轉戶

部卒

王佐

海豐人永樂中領鄉薦入太學擢吏科給事中務存大體聲譽著聞宣德中陞戶部侍郎正統

中進陞本部尚書器宇洪偉德量寬平士林重之沒于王事贈榮祿大夫少保

王文

字千之東鹿人永樂辛丑進士歷吏部尚書英廟復辟為石亨輩所誣死于西市成化初復職

謚毅愍子宗彝字本倫成化丙戌進士歷戶部尚書謚文簡

王士嘉

武城人永樂初由國子生選任知縣歷官工部員外郎中宣德中以才德老成薦陞陝西

布政司叅政清譽大振正統初召為禮部右侍郎後以年老致仕卒年八十餘為人端重詳雅

作事一毫不苟踐履篤實為士大夫所推許云

王耕

字舜耕單縣人永樂中知山陰貞介練達時中官鄭和下西洋索寶玉道所經輒入人家探囊

發篋遠近騷動耕言邑產布粟寶玉非所出也和遂去

王源

龍溪人永樂初進士為庶吉士歷官兵部職方郎中廣東潮州知府所至有聲平生嗜學能文

既致仕年及八十猶手不釋卷所著有韋菴集并家禮易覽

王克義

瓊山人永樂丙戌進士授崇仁知縣大臣薦其不用博學宏詞等語至則增減宋詞科出

題試之果中式陞都官未幾出為建昌府推官所至廉能

王騏

永樂中知舞陽縣時夏麥失秋騏請以布花代輸公私兩便鄰縣效之歲歉民饑發不待報民

賴全活比書最朝廷嘉其政績給驛還任時人榮之

王洪

仁和人博學才敏于人少許可年十八舉進士授行人歷官吏科給事中翰林檢討與修永樂

大典為副總裁陞侍講三典文衡公于取士所著有毅齋集

王驥

字尚德東鹿人早有大志永樂中登進士第拜給事中持正不撓累官兵部尚書率兵勦滅西陲賊寇累功進封靖遠伯卒年八十三追封靖遠侯謚忠毅為人兼資文武遇事敢為以身徇

國好賢樂善望重士林云

王燾

斬水人七世同居少長三百餘口庭無間言有司以聞詔旌其門曰孝義

王英

字時彥金溪人永樂甲申進士入翰林累官侍講學士春坊大學士為經筵講官國史總裁修

實錄成進禮部侍郎後陞南京禮部尚書卒謚
文安英為人寬洪樂易詩文古雅尤善草書自
號泉坡有泉
坡集若干卷

王翺

字九臯鹽山人永樂十三年進士改庶吉士除
監察御史謹重達大體歷陞右副都御史巡撫
四川專布恩信招懷降附出賜金市牛酒慰犒
番酋商巴等十八寨來歸不煩兵力松番遂定
遼東法令久弛公至諸將庭叅責其玩寇喪師
失律當斬軍中股慄召入吏部嚴考察公銓註
抑奔競杜請寄一時任使並稱得人翺端方強
毅清白儉約立心制行脩守禮法惕厲憂勤仰
思待旦居第三十餘年不改于舊上特命有司
起第縣西公餘退宿朝房惟朔望時令歸謁先
祠曹賊亦知重
翺不忍加害

王琦

字文進錢塘人永樂鄉貢試禮部副榜授汝州學正擢監察御史以學行老成稱陞山西按察

僉事錫璽書提督學校士風丕變改四川不樂乞致仕歸年五十琦以清介自持在官門無私謁平生不治生產居間陶如也值歲大侵無以為朝夕冬旦暮大雪日僵卧不能出門戶於饋非故舊拒不受即故舊至數亦却之有言之日當路甚重公舉一言何所不濟無乃自苦如此琦曰吾求無所愧于心耳無所愧雖饑且寒無不樂也何言之有竟以饑寒卒杭守胡濬聞而弔之告于布按二司為奉祠琦于杭學鄉賢祠

王一寧

名唐以字行仙居人永樂戊戌進士擢工部主事以文學優長與修實錄轉翰林侍講未

幾進陞禮部侍郎兼武英殿大學士謚文定

王鈺

諸暨人永樂壬辰進士及第歷官翰林編修以疾致仕正統丙辰起為按察僉事提督學政鈺為人文學篤實行已方正所至公于勸懲士心悅服既三載復致仕去

王永和

字用節崑山人好學能文器識宏雅永樂中領鄉薦獲主師席生徒多所造就宣德中以績最陞兵科給事中凡事務存大體歷陞工部右侍郎正統己巳沒于王事贈工部尚書

王公亮

華亭人世業儒早失怙恃自幼勤學尤善楷書舉任吏科給事中尋陞應天府丞官至廣

東布政使
能聲著聞

王直

字行儉太和人永樂甲申進士改庶吉士授修撰仕至少師太子太師吏部尚書致仕天順六年卒贈太保謚文端直氣宇宏偉居家儼然接人和氣益如屢典文衡得人最盛在翰林三十

年恭勤不怠秉銓軸益加
廉慎海內想望其風采

王恭

號皆山新寧人壯年落魄不羈嘗樵于長樂諸
山永樂中以儒士被徵修書文淵閣人皆推為

高士所著有白
雲樵倡和數卷

王紱

字孟端無錫人少穎敏讀書喜吟兼善書法有
聲鄉校嘗坐累戍山西後以善書薦入翰林授

中書舍人永樂丙申疾終于京
邸年五十五所著有詩集五卷

王遜

字謙伯崑山人永樂進士遜自御史謫上高尋
召復職性剛廉峭刻所治以鷹擊毛鷲為能人

或規之曰君不虞後患耶曰虞患思避隱忠不
竭其又得全哉竟坐法于復亦以進士任御史

王來

字元之慈谿人宣德舉人歷官副都御史巡撫
河南軍民利病官吏臧否興革進退中外悅服

景泰苗賊作亂陞來右都御史
往平之進南京工部尚書致仕

王恕

字宗貫三原人正統進士授大理寺副仕至太子太保吏部尚書致仕卒年九十三贈太師謚

端毅子承裕歷官南京戶部尚書謚康僖清慎有父風恕以忠誠受知憲廟所論奏皆譏侵貴近無復諱避悉見優納及秉銓衡抑躁獎恬黜幽陟明拔薦羣賢布列三事弘治初明良一德朝野清晏唐之貞觀宋之慶厯不足多也求之于古其希文君實之倫歟

王傑

字同節廬陵人正統進士授刑部主事仕至刑部尚書卒謚恭毅子臣成化進士授翰林侍讀

王僊

字廷貴武進人景泰卒未進士第三人歷吏部尚書謚文肅

王詔

字伯宣衡陽人正統壬戌進士歷戶部尚書

王憬

字廷米沂州人成化士辰進士歷都御史謚恭靖

王宇

字仲宏號厚齋祥符人正統進士授戶部主事仕至大理寺卿

王浩

石首人登景泰辛未進士任南京大理寺副天順陞四川僉事成化初以安邊功著陞右僉都御史未幾以擒趙賊功陞左僉都御史再平大壩諸邊陞右副都御史有恒菴集平西錄藏於

家恒菴遺

帖行於世

王越

字世昌濬縣人景泰進士歷官太子太保兵部尚書兼左都御史以功封威寧伯後加太子太

傅召掌前軍都督府提督團營再敘子錦衣千戶成化十七年被劾奪爵編管弘治元年復職致仕十年起左都御史有功加太子太傅卒于軍謚襄敏越姿表奇邁慷慨自許論議英發見

事風生久膺師寄身經十餘戰出奇取捷慮成發中顛倒才智柔馴辨強皆樂為之用效之者皆以自為不及不愧古之名將也

王敏

字進德寧海人氣剛有廉隅不與人為款狎貢入太學分教北方鎮將苦其清介欲試之召飲酒憚婦人于偏室酒酣內進德其中鑰門以去進德入見婦人排門出之尋拜御史免歸時葉伯巨郭濬皆負豪氣不服人至稱進德則自謂弗如也

王信

字君實南鄭人嗣父官千戶累功陞都督同知總理漕運卒子繼善從善皆舉進士有名信好謀善戰有文武才其廉約不擾苟無纖華廐無肥良敝袍緩帶娛意文史亦儒將之優者乎

王竑

字公度湖廣江夏籍戍河州正統己未進士授戶科給事中仕至兵部尚書致仕卒正德中謚

欽定四庫全書

萬姓統譜
卷四十五

十五

莊毅公性剛毅少豪俊尚氣節義所當為奮往直前生長西陲有志功名居言路見事有不平者輒為之扼腕自廷擊馬順之後所至令行禁止人望而畏之曰此挫殺馬順者公名自是滿天下豈非一世豪哉

王獻

字惟臣仁和人景泰進士授編修仕至太常寺卿兼學士贈禮部侍郎

王崇之

字守節滑縣人天順九年進士任上海知縣擢御史北敵數寇遼陽戰備廢弛士卒饑寒

公按遼調劑振作切中機宜時中貴人汪直巡邊貪橫不道撫鎮以下望風重賄獨崇之不屈直欲中傷之謫延安府推官崇之性友愛剛正弗撓與濬王越齊名稱大小虎云

王徽

字尚文江浦人以戎籍入府學天順庚辰進士授南京刑科給事中疏上五事極言古今官監

之害因言牛玉冊后一事致累聖德因及大臣
失職大觸時忌乃出謫普安判官滿考遂歸不
仕弘治初數論薦起為陝西布政司叅議逾年
乞休致歸杜門不出公卿過從不答卒年八十

有

王綱

定遠人性至孝母病躬侍湯藥母沒哀毀水漿
不入口三日既葬不茹葷飲酒廬墓三年正統

中詔旌其
門曰孝行

王詔

字文振開州人幼聰敏器宇不凡登天順進士
任工科給事中獨立敢言無所顧忌叅駁舉奏
務持大體後轉湖廣右叅政政尚寬簡值歲饑
民離極意賑恤全活甚衆復陞右布政使有田
訟不決者公訊得其實弘治戊申以再起內艱
貴州左布政使獨攜二僕住時值久旱公下車

大雨三日官民惟悅陞右副都御史巡撫雲南能飭八百諸夷土兵陰伐安南侵伺之謀邊用無警歷陞進南京兵部右侍郎而卒

王得仁

宣德中汀州府經歷陞推官正統末沙縣寇攻城得仁設策捍之民匿山中者守禦官以為賊欲擒殺之得仁力爭乃止乃老推三百餘人來避者官軍又誣為賊得仁辨而釋之未幾卒于營民皆哀痛

王軾

字用敬公安人以進士授大理評事審錄四川用刑平允陞四川副使值貴州黑苗叛開州土官請征之軾洞知其情得不遣擢本司按察使清決滯獄囹圄為空進食都御史提督巡江轉副都御史總理京儲剋弊剔蠹尋陞戶部尚書太子太保謚襄簡

王華

字德輝餘姚人成化辛丑進士第一公生而警敏讀書過目不忘六歲與羣兒戲水濱見一客來濯足以大醉去遺其所提囊取視之數十金也華度其醒必復來恐人持去以投水中坐守之少頃其人果號泣而至華迎謂曰求爾金耶為指其處其人喜以一錠為謝却不受年十四讀書龍泉山寺寺故有妖物為祟能傷人同業者喪氣走歸華獨留居妖亦寢滅弱冠主司試其文奇其狀元及第成化庚子發解浙江第二人明年辛丑廷試第一甲第一授翰林院修撰修憲廟實錄歷春坊諭德經筵講官內侍李廣方貴幸華講大學行義至唐李輔國結張后表裏用事衆以事頗涉嫌欲諱之公朗然誦說無少避忌左右皆縮頭吐舌上樂聞之不厭遣中官賜尚食厯官學士遷禮部侍郎武廟嗣位逆瑾竊柄士夫爭奔走其門求免禍公獨不往瑾

銜之遷南京吏部尚書推尋禮部舊事勒令致仕年七十有七後以子守仁貴贈新建伯所著有龍山稿坦南草堂稿禮經大義諸書雜錄進講餘抄等稿藏于家

王珣

字德潤曹縣人成化己丑登進士第授河南太康縣以才堪治劇改知信陽縣陞南京監察御史嘗巡捕蘇常等處時例捕強盜三百名陞四品俸前御史捕如數珣代之曰吾不敢殺人以求進檄各府將見監并續獲賊盜候按臨鞠之多所平反甲辰陞知浙江湖州府縣解有織造願料等銀不以寄庫即令各役與解者交領又地方原定糧則有多寡而本色折色有輕重乃通查地畝徵糧則例本色折色中半輸納且與印信戶帖由是里書無所售其奸弘治癸丑陞河南布政司右叅政尋陞本司布政使戊午陞都察院右副都御史巡撫寧夏條陳邊方八事

皆先施行辛酉敵酋小王子率部落寇花馬池戰于石溝驛大破之壬戌以疾請致仕珣處已臨政謹飭不苟平居謙慎如言不能出口者及關大政則高談雄辯無所假借是以所至上下之人畏而愛之子崇文弘治癸丑進士歷都御史崇獻弘治丙辰進士歷太僕寺卿

王雲鳳

字應韶和順人成化進士授禮部主事歷郎中坐事謫陝州知州累官右副都御史請告

父佐南京戶部尚書鳳天資高邁智識卓越居官清介人不敢干以私

王鏊

字濟之吳縣人成化乙未進士第三鄉會俱第一授編修仕至少傅武英殿大學士致仕卒贈

太傅謚文恪鏊在相位厄于權奸竟不得行其所學力乞歸當瑾威虐士大夫且嘆韓公文鏊力爭之得免又劉司馬大夏楊相一清瑾皆將甘心為委曲諭解人以此多之至議廢后禮尤

人所難

王瓊

字德華太原人成化進士授主事仕至少傅吏部尚書嘉靖元年下詔獄謫戍綏德七年起兵

部尚書兼右都御史總制陝西復改吏部卒謚恭襄瓊才極高先事燭機吏事精敏達權應變人不可及所謂經國之臣非歟獨不見知于新都故忌者爭起幾得奇禍

王鴻儒

字懋學南陽人成化鄉試第一丁未進士仕至南京戶部尚書卒謚文莊弟鴻漸亦舉鄉

試第一官至山東右布政致仕廉靖有吏才公博文多識學有體要宏裕奧衍交發互溢尤明習國家政事凡祖宗設政任人及先輩立朝行已歷歷能言至論時務要決成敗可否援證今古如探囊指掌待物開誠和而不流不問人私人亦不敢以私問

王鑑之

字明仲山陰人成化進士歷刑部侍郎進尚書時逆瑾擅權以威虐鉗士大夫爭卑諂以

求自免六卿見者皆長跼鑑之獨與抗禮鑑之清介嚴肅強毅能執自縣令歷官上卿僅能立門戶對末人語亦以國法相教戒蓋亦古之法家者大節尤炳朗云

王敕

字嘉諭歷城人成化甲辰進士第二授翰林編修謫判夷陵陞四川僉事河南提學副使終南

京國子祭酒博極羣書尤善風角習堪輿推驗多中所著有五經通旨漫游雲芝諸槁大成樂譜

王守仁

字伯安世稱陽明先生浙江餘姚人弘治乙未進士授刑部主事劾瑾逮獄謫貴州龍場

驛丞陞廬陵知縣吏部主事正德間巡撫南贛討平宸濠陞南京兵部尚書封新建伯被譖削

爵陸慶政元贈侯諡文成議祀孔廟子正億嗣
伯爵守仁才高學邃兼資文武英敏天成機權
莫測其用兵也訓練嚴明籌畫精密對客笑談
萬衆過集擒酋斬賊獻凱轅門左右尚不知也
真所謂天生豪傑特立于斯
世者也豈近世名卿所及哉

王廷相

字子衡河南儀封人弘治壬戌進士改庶吉
士授兵科給事中言事謫亳州判官陞高淳

知縣陞御史忤中貴下詔獄謫贛榆縣丞仕至
太子太保兵部尚書兼左都御史掌院事致仕
卒隆慶元年贈少保諡肅敏廷相歷事三朝以
忠誠不欺為先御下則公直不虐有益國是雖
負天下之謗不恤蓋識見中有持守持守中有
精力義理堅定隨事而應故雖屢遭下獄罷斥
震撞搖掣可憂可怖之勢互
交目前而志氣不可奪也

王憲

字惟綱山東東平人弘治庚戌進士授御史仕至太子太保兵部尚書卒謚康毅子汝孝丙戌

進士右副都御史公德度洋洋器識淵練居官四十餘年凡所為必思盡其力不數不黨人謂

其得大臣之體焉

王尚

綱字錦夫邳縣人弘治進士官職方改吏部有聲出為山西參政年纔三十有五即三疏乞

養不待報歸高隱十五年復起歷浙江右轄卒于官士民遮道泣送祠為名宦蓋公氣節政事

尤重于文章

王渙

字時霖豕山人弘治丙辰進士授長樂令愛民禮士百廢俱興遷監察御史逆瑾用事疏劾之

併擊谷大用馬永成等八黨瑾怒遂撫小過杖之朝堂落籍瑾誅詔復原職御史周倫等交章

論謝遷劉大夏王渙等去不以禮將復大用有
嘗被渙劾者當柄沮之遂不起力耕課子優游
林下與鄉人結社坦夷和易人稱厚德後以子
樸貴贈奉政大夫所著有體認持守二箴鳴琴
稿西臺奏疏若干卷藏于家

王綖

開州人登弘治乙丑進士拜戶部郎中時逆瑾
用事羣閹倚勢請託綖皆不顧後遷湖廣副使

適今上入繼大統宦者谷大用迎駕而南強綖
長跪綖不屈號呼奏行在上遣中官慰諭之乃
復起河南以擒鎮寇王鏜功歷陞山西四川兩
省右布政俱有平寇功起陞巡撫江西都御史
官至大理卿宦遊二十餘年蕭然如寒素痛兄
早逝舉先世遺產盡畀兄弟鄉人賢之祠鄉賢
王九思

字敬夫鄆杜人弘治進士翰林檢討改吏部
文選郎中謫倅壽州鞠躬効職愛民猶子民

亦愛如父母政暇日晉郡弟子講學校藝疊疊
忘倦諸游其門者材性匪一羣飲江海而各充
其量自是人材駸駸乎盛矣蒞官時值流賊犯
淮薄城城門晝閉九思乃親率軍民揮指城上
為捍禦計歷夜晝罔懈郡人賴
之九思有文學稱關西才子

王敞

字漢英南錦衣人成化
辛丑進士歷戶部尚書

王堯封

字伯圻定興人弘治乙
丑進士歷戶部尚書

王時中

字道夫黃縣人弘治庚戌
進士歷南京工部尚書

王哲

字思德吳江人弘治進士任監察御史巡按江
西風裁峻整奸冗豪猾鷹搏虎捕無或逃者巡

歷南安民隱物情無不畢照後累陞都察院右
僉都御史巡撫江西逆濠憚之投以鴆毒不死

遂引疾
致仕

王恂

字用誠公安人由進士授檢討大理寺丞巡撫貴州賑窮掩骼民夷懷畏遠國子祭酒博學工文操行簡約年五十九卒于任歸家之日行李蕭然有誠齋文集藏于家

王震

字威遠邢臺人登弘治癸丑進士歷任戶部主事員外郎中出納錢穀克稱厥職陞湖廣鄖陽知府六年當道累以廉足以律身才足以蒞政行己無玷遇事有為及政事舉而盡官守之責撫字勤而得近民之體以薦之陞河南叅政有安儲王平羣盜功轉左右布政陞應天府尹致仕歸國書千餘卷悉送至郡庠以資士子誦讀其孝思之純至老不衰建永感堂以志不忘

王廷陳

字稚欽黃岡人年甫卅日誦數千言能文章弱冠魁鄉試登正德丁丑進士選翰林庶吉

士補吏科給事中武宗南狩與修撰舒芬庶吉士汪應軫上疏阻諫上怒杖之廷謫知裕州以忤監司免歸屏居林壑三十餘年日以詩文自娛所著有夢澤集行于世嘉靖中巡撫顧璘疏薦起用上賜縑帛優待之不果用而卒

王謳

字舜夫泉州人幼穎異長而風神俊逸倜儻不羈正德丁丑進士官工部督泉濟上改刑部副郎擢山西臬僉以疾歸卒年纔三十有六有彭衛集

王應鵬

字天宇鄞縣人正德六年進士知嘉定縣少從王陽明先生游得理學之傳清慎端方不輕發一言不驟舉一事不偏聽一人勸學古文會選集俊髦之士羣居學舍親自督責以考其成被召赴京僚友有餽贐者一介不取或問之曰此處正當立斷累官都察院右副都御史

王道

字純甫武城人正德進士授編修仕至吏部左侍郎道文學行誼表著一時難進易退晚得向

用隨亦病

卒惜夫

王思

字宜學太和人幼謹不羣孝友忠義出于天性正德進士授編修言事謫驛丞凡九年嘉靖初

復職以大禮杖死

王鑾

字汝和其先吳江人國初隸籍錦衣衛遂家南京舉正德辛未進士試改吏部時流賊甫平郡

縣瘡痍未復鑾恐兆後憂乃為原治二篇大畧論今之賊盜皆繇守令監司惟利趨承撫按罔

覈實效以致浸淫潰敗其弭盜根本則欲禁奢立禮敦教化嚴貪墨太宰楊一清異之補文選

主事秉公持衡不與人交接尋改考功節益峻朝散局鍵自防人罕識其面晉驗封郎中武皇

南狩鑒上疏力諫廷杖
致傷踰年卒士論惜之

王讚

字思獻永嘉人弘治丙辰進士
第二官至禮部侍郎謚文定

王壙

字存約黃巖人弘治進士為給事中
正德初以論劾忤時謫倅惠州歷陞南京府尹
甚有惠政

獎拔士類率多成名仕至
南京都察院右都御史

王學夔

字唐卿安福人正德進士第一文學深厚
操履廉潔嘗為文選郎中守正扶善類為張桂

所惡出為南太僕少卿改太常復中他事降外
任歷陞南禮更二部尚書恭慎簡實不屑依比
人亦有才畧顧不肯發揚人不知也其擒治昂
山中偽皇子事不煩一兵亦不奏功嘉靖己酉
晉南京兵部尚書叅贊機務益力辭致仕弟
學益字虞卿嘉靖己丑進士歷刑部尚書

王相

光山人正德間以監察御史巡按山東入境訪除民蠹摘伏如神按臨清捕奄宦檢惡者數輩

悉附于法時朱寧怙寵逆被誣逮如京吏民卧轍號泣車擁不行後謫高郵州判官卒

王綸

字汝言慈谿人由進士除工部主事改禮部儀制轉主客司員外時鴻臚寺辦事通事奏乞納

草冠帶極力沮之轉儀制司郎中各王府庶生男咸乞祿米悉裁之以祖訓歷陞廣東參政胡廣右布政所至平政均役飭舉綱維懋著勛伐忤逆瑾久次不調或勸之應曰三十年廢居忍改操邪後擢都御史巡撫湖廣歸卒為人孝友天植色養無違剛方梗介不媚流俗所著有學庸要旨節齋雜稿禮部要稿分守要稿承宣巡撫二稿尤精於醫所治無不瘳者其原病定方不規規泥古而卒不爽于古論者以為丹溪復出也有本草集要名醫雜考爭相傳刻濟利弘

多

王文轅

字司與山陰人勵志力行隱居獨善鄉人樂親其德每讀書多所自得主先入之言故

其說多與時不類唯王守仁與之為友及守仁領南贛之命文轅欲試其所得嘗撼激之不動

語人曰伯安自
此可勝大事矣

王倬

字用檢太倉州人成化進士初令山陰蘭谿有惠政召為御史首劾選曹貢欽又劾罷尚書五

人又論斥奄宦時名剛直累遷貴州按察布政使撫夷定亂進都御史撫畿內禦虜有功進兵

部侍郎

乞歸卒

王韋

字欽佩直隸浦江人正德末為河南副使提督學校端方溫雅誨人不倦每燕居必衣冠端坐

出入有定期雖風雨無爽諸生服其信官至太僕寺少卿

王寵

字履吉吳人有俊才弱冠遊鄉校咸器重之及壯蘊藉經史百家詩詞筆翰名播海內督學御

史多屬意欲拔出之竟不一過僅貢入太學不壽而卒

王杲

字景初汶上人正德甲戌進士歷戶部尚書素稱清謹待屬吏嚴急當是時邊隅多事財用不給杲一切取辦倉庠空虛嘉靖丁未秋柄臣惡其執法又入覲昵小人之言諷言官妄劾杲受賄遂逮詔獄拷訊誣伏謫戌卒隆慶改元贈太子少保

王邦瑞

字惟賢宜陽人正德丁丑進士歷兵部尚書謚襄毅

王用賓

字允興咸寧人正德辛巳進士歷禮部尚書兼學士改南京吏部尚書九年考滿陞太子

太保卒

謚文簡

王崇慶

字德徵開州人正德戊辰進士歷南京吏禮二部尚書

王暉

字克明句容人正德丁丑進士歷南京戶部尚書

王以旂

字士招江寧人正德辛未進士授江西南會知縣擒華林賊入為監察御史巡按河南會

宸濠叛鎮守奄人劉璟與通謀索取藏銀四萬兩備供應以旂力止之歷副都御史擢右都御史掌南臺自以風憲重臣居梓里兢兢奉法家在聚寶門外每歲時歸祀必由他道謂諸子曰昔張湛入里門必步此可取為法也歷兵部尚書總督陝西三鎮在任六年開誠布信虜無深入卒于官

謚襄敏

王庭

字直夫長洲人嘉靖癸未進士授許州知州歷福建按察僉事閩故多珍貨廉毅無所侵進江

西叅議示之禮化尤為下所推戴遽謝歸處環聞泊然閑門無所通往弦誦時時不輟言不出

口能楷模一鄉翕然歸之躬行君子哉

王格

字汝化京山人嘉靖丙戌進士為翰林院庶吉士外補後分臬河內他變寢官非其罪也其詩多幽憤不平之意而卒歸于和厚猶有三閭之遺風焉

王廷幹

字維楨涇縣人嘉靖壬辰進士歷九江知府夙擅英妙久稱藝林

王穀祥

字祿之長洲人嘉靖己丑進士歷南京吏部郎中降通判家居二十餘年乙丑復起為南

京吏部主事辭不出博學工文詞恬退身逸潔廉好修士林高之

王慎中

字道思晉江人嘉靖進士授禮部主事改吏部調常州府通判仕至河南叅政請告不出

時年三十三弟惟中辛丑進士禮部郎中慎中資穎學博為文悉刊落浮艷一根於理故其文

出而人誦之至其為人立官淹蹇阨塞以終其身君子惜之

王問

字子裕無錫人嘉靖戊戌進士歷官南京兵部郎中擢廣東僉事致仕居家高尚專事文翰兼

善圖繪教子鑑成進士父子皆有時名

王維楨

字允寧華州人嘉靖乙未進士改翰林庶吉士歷官至南京國子祭酒為人慷慨峻特雋

孝子親將赴官會山陝地震卒于家年僅五十有詩文二十卷行于世

王紳

字子書滄州人嘉靖己丑進士任御史有風裁歷南京兵部尚書叅贊機務

王德

字汝修永嘉縣人由進士嘉靖丙午推大名府

新鄉道中有劇盜劫去貢金朝廷震怒監司俱
被逮以故當事者捕賊嚴急一日河南兵卒突
至滑收捕諸富人連繫叵測老稚奔竄一空汝
修自郡馳至滑抗言諭衆聞者悚惕及會審無
驗河南兵遁去且移文中泄被繫者盡得釋已
而下令撫輯民乃安帖父老至今道其事猶唏
噓感激曰是時非王君或致他變也滑人立祠
之已而召為兵科給事中以致他變也滑人立祠
東僉事家居嘉靖壬子過倭寇為所害

王佐

字汝弼山後人襲錦衣衛指揮使嘉靖己丑中
武舉第一仕至後軍都督府右都督掌錦衣衛

事佐才敏而志忠不好利不肯搜索京師富室
細過至巨猾凶豪有犯雖巧賄勢囑亦不得脫

以故人皆敬之稱名執法前後為錦衣者皆莫能及也

王崇

字仲德永康人嘉靖己丑進士歷總督兩廣軍務兵部侍郎都察院右副都御史

王璣

字在叔西安人嘉靖己丑進士歷巡撫營田都察院右副都御史

王守

字伯約長洲人嘉靖丙戌進士授寧波推官拜給事中性畏謹容貌毅重動止皆有幅尺委蛇可觀歷都御史撫治鄖陽寬簡有令望其治務以清靜致之未嘗喜事有所變更好潔修論議

無所假以

殺直稱

王與齡

字壽甫山西寧鄉人嘉靖己丑進士官文選郎中清勁有執持為人所忌少叅政陝西弟

培齡同
科進士

王忬

字民應倬子嘉靖進士除行人拜監察御史為峻爽廉察多讀書尤精于法出按湖廣所至

擒治貪墨無算然嚴而不苛吏民畏而愛之後撫畿輔值敵犯闕上命忬材可當緩急特旨權僉都御史轉餉通州敵退移撫山東尋總督浙福崇倭有功調總督薊鎮晉右都御史兼兵部右侍郎上防邊十三事斬敵首至八百級相嵩故抑之功不錄既入請濟師不報敵遂犯我鄙忬以輕騎躡之殺傷相當上信情非謬無意罪忬而相嵩故受旨都御史鄢懋卿構陷之中以法穆皇帝詔雪之復其官忬仁心為質方畧智計縱橫無窮在軍之日寢不安席食不甘味受憂勞為國忠誠竭矣而卒不免天下冤之

王宗茂

字時育京山人嘉靖丁未進士任御史侃直信毅志度不凡上疏論嚴相廷杖卒於謫所

隆慶改元復
贈太常少卿

王濟

字汝舟烏程人成化辛丑進士授南京兵部車
駕司主事所轄馬快船二千餘艘中官怙寵侵
沒無算濟力裁省大司馬三原王公深器重之
遷武庫郎中出知臨安府府多奇貨又夷民雜
居競起為盜濟廉得之遏其亂源諸奇貨屏
猶土直盜用以息三年考績抗疏引疾致仕

欽定四庫全書

萬姓統譜
卷四十五

萬姓統譜卷四十五

欽定四庫全書

萬姓統譜卷四十六

明 凌迪知 撰

下平聲

七陽

汪

平陽商音汪茫氏之後

周

汪跼 魯童子也仲尼曰能執干戈以衛社稷雖欲勿殤也不亦可乎

漢

汪文和 字國輔建安中以龍驤將軍為會稽令之地始遷居于新安子孫遂為新安望族

南

汪叔舉 字文遠新安人劉宋大明中仕為軍司馬

唐汪華

績溪人少以勇俠聞隋末兵亂以土豪應郡募保據郡境併有宣杭睦婺饒五州建云吳王唐

武德間籍土地兵民納款高祖授以總管歙宣杭睦饒婺六州軍事歙州刺史封越國公郡人

十姓九汪皆華之後

汪漬

字清光華之後乾符四年以衙前都虞候分戍三吳嶺累有戰功民賴以安景福二年授歙州

團練使後以拒賊死之世稱為端公立廟祀焉

汪萬於

字叔振歙人有詩名憲宗時任為江陵府功曹叅軍

汪武

婺源人乾符中為鎮將屯弦高戰守有功楊行密錄其績以為節度押衙檢校司空雄武以私積市民地置城池戰守數歲遷為縣因以制置二十餘年民無寇患陶雅為刺史暴增民賦武

不為屈邑人賴之後為雅所害賦遂以增邑人至今祀武號汪司空之廟

汪遵

涇縣人初為吏許崇應二十三舉遵猶在胥徒善為絕句詩而深晦鎮密一旦辭役就貢會崇

送客至河潯間遇汪於途訊曰何事至京汪曰就貢崇怒曰小吏無禮後遵成名九年崇始登

第遵長城詩云秦築長城比鐵牢藩我不敢過臨洮雖然萬里連雲際爭及長階三尺高遵李

大尉平泉莊詩云平泉花木好高樹蒿少縱橫滿目前惆悵人間不平事今朝身在海南邊

五代汪台符

歙州人能文章通古今楊吳時徐知誥鎮金陵台符上書陳民間利病十餘條知誥善之

宋齊丘疾其才高使親信誘台符痛飲推沉石城蚬坡磯下

宋汪廷美

婺源人孝友純至義居數十年聚族眾二百旦夕食必同席有未至者不敢先廷美節

嗜慾身衣繒布非因祭不肉食親喪盡哀不應
賓客遇忌則終日齋肅大中祥符中東封故減
天賦十之二廷美亦減其佃者租十之二乾興
頒遺詔衰經號慕營佛齋者七日嘗以秋冬出
入公平須春廷美曰家欲蓄藏待價貧人乏食
於爾安乎遂賈有鬻者去後察其裹得金追
而還之里人或竊其鷺問之曰夏至將以祭先
廷美曰彼窮乃有孝心助以魚酒又有從質麥
種十石者過期給言種敗無所收廷美還其質
更遺麥三石以償其費子姪諸孫有過未嘗形
諸言但訓以自昔興替之事家嘗著抵罪匿者
吏以為當坐家長廷美時年六十九或言稱七
十宜免廷美曰吾已失訓又增年以免罪是誣
官也不可會有赦遂免郡守欲奏表門閭力辭
之

汪文諒

旌德人家饒餘與兄文政俱尚義輕財聚族
千百口天禧中旌表其門後以里物奉京師

詔賜白金文諒以賜金易
國子監書歸訓子孫從之

汪穀

字次元婺源人登皇祐五年進士第初授撫州
宜黃尉調泰州調太平軍推官皆有異政一旦

棄官歸老治田桑保墳墓歲時書問無貴戚必
躬治唯謹詞翰可師人皆珍藏之有詩百篇意
深語典家居十二年以致仕恩轉通直郎晚而
子孫取科第五世榮盛享年八十卒贈少傅子
榮有孝行榮子愷仕至左朝請大夫知全州事
居官有政聲愷子堯舉右迪功郎鑄錢司催綱
官舜舉修職郎
漳州龍泉縣尉

汪藻

字彥章婺源人崇寧初進士累官顯謨閣學士
嘗知徽州人以為榮紹興中為翰林學士晚年

詩文益奇自號龍溪所著有龍溪集

汪濟

字仲容旌德人少從胡瑗學易又學于王安石元豐中進士累官國子祭酒改大司成以議學政不合出知婺州濟自布衣為學錄學正司業祭酒司成官以儒名者三十年

汪洙

字德溫鄞人九歲善賦詩時牧鷺鸞宮見殿宇頽圯洙心竊歎之題其壁曰頽回夜夜觀星象夫子朝朝雨打頭萬代公卿從此出何人肯把俸錢修上官奇而召見時衣短褐問曰神童衫子何短耶洙輒對曰神童衫子短袖大惹春風未去朝天子先來謁相公世以其詩詮補成集用訓蒙學為汪神童詩登元符三年李奎榜進士任明州教授著春秋訓詁召陞宮教拜太宗正卿至觀文殿大學士提舉台州崇道觀築室西山月集諸儒講學以教授族間之子弟鄉稱

崇儒館卒謚文莊平生稟性仁厚忠孝著聞子思溫觀文殿大學士思齊端明殿大學士孫大猷數文殿

大學士

汪齊

旌德人性沉篤好學登慶厯進士歷官祕書郎弋陽令所至有惠愛累遷屯田員外郎將青苗

法行齊力言其不便王安石怒之以朝散郎致仕

汪革

臨川人性孝友家貧好學試禮部第一分教長沙卒年四十生平深厚不伐調親友之急解衣

推食無難色嘗謂人曰咬得菜根則百事可做所著有青谿類稿及有論語直解

汪覃

字天才績溪人少而有奇才應舉八行科東坡見而異之覃後隱不仕號水月居士東坡贈以

詩云李子應嗔不下機棄家來伴碧雲師中秋冷坐非應醉半月長齋未肯辭擲簡搔毫無忤

色投名入社有新詩飛騰桂籍他年事莫忘山中採藥時

汪洵侯

字信仲婺源人熙寧末入太學不第於是歸隱子懽然字聖任彬州推官孫庭祐字子卿

復預薦會質疑于朱晦菴先生諸從子浩然卓然皆以學行貢于鄉

汪輔之

字正夫宋神宗朝為北京運判時文彥博以侍中判署北京輔之密劾公不治事上批曰

輔之小臣敢爾無禮

汪若海

字東叡人未冠入太學靖康中以金人侵擾詔求知兵者若海應詔又上書樞密曹輔

請立康王為大元帥擁兵鎮撫河北及二帝北行走謁康王于濟州請即位以圖中興累官江南經置使後以直祕閣知江州

汪紹

字子博婺源人好義樂施嘗闢義學教鄉里子弟割田三百以充膳費學者無果糧束脩之勞

延舊邑簿呂廣問為師廣問嘗學于尹燾與聞二程之學紹子存時為西京文學言時政得失

不報遂棄官歸就學焉

汪希旦

字周佐歙人大觀三年登第歷官知泗州時劇賊宋江橫行及濠濠泗密邇希旦嚴為守

備賊不敢犯上嘉之轉朝奉郎直祕閣會旱蝗開廩賑給蝗不入境麥生兩穗治再賜一二品

歷知袁江舒三州請祠以朝請大夫致仕

汪待舉

字懷忠衢州人紹興中知處州為政寬厚曲盡下情民有訟呼之使前面究曲直不以屬

吏故庭無留事筆楚罕有用百姓以詩頌之曰官舍却如僧舍靜吏人渾似野人間

汪與成

銅陵人一家百八十口盡斃于建炎之難獨遺與成後三年改葬其父念母骸骨不存刻木肖形侍養十年而後附葬哀動隣里邑令林桷以詩美之曰事死如生有至難古來不獨數

蘭丁

汪叔詹

字至道歙縣人少敏于文累官太常博士尋知鄂州轉河南憲使有惠愛後領湖廣江西

等路財賦數年總餉稱職

汪思溫

鄞縣人政和初進士累官至太府少卿鄉之士族有喪不能舉孤女不能嫁者思溫割田

給助為鄉里倡

汪大猷

字仲嘉思溫子紹興中進士為吏部侍郎兼權尚書是時法度數變更吏得以高下大猷

上疏論其事定為格式後為江西安撫使卒
謚莊靖所著有適齋存彙備忘訓覽等書

汪清卿

字湛仲婺源人朱熹自考亭歸寓清卿家與鄉人講學因嘉其事親孝扁其齋曰愛日又

為作牧齋箴

汪介然

字彥準婺源人少領鄉薦入太學不第後從岳飛及韓清軍以戰功補進義校尉嘗使金

洪皓附以蠟丸書介然謂剖股納之還奏于朝及和議成皓得歸謂子孫曰微夫人之力不及此累官觀察使主管台州崇道觀致仕卒

汪漢

字翰美歙縣人重然諾尚氣義鄉人以是非來取直者徐以利害開諭莫不感服紹興初張琪冠邑中逃匿殆盡乃攜家眾走西坑山側一日賊至漢奮前與語為善事因推隨身貲以與之

賊戒其徒曰好善人勿得殺紹興乙卯
以國母壽恩授右迪功郎時年八十七

汪繹

字仲成歙人義端之子以蔭補承務郎累遷知
興國軍召對極言守江之策後知寧國府修學

校理軍實蠲逋負樽

節浮費惠政甚多

汪綬

義榮之子以蔭補將仕郎歷官知興國軍備述
沿江利害切中時弊撫御兵民創葺戎器戰守

之具罔不備至擢軍器監丞知太
平州治行有聞官終朝散大夫

汪若容

字正夫叔詹從子登紹興進士累官朝奉郎
知洪州召對反覆數千言皆切中時弊除將

作監丞是冬金人犯淮旬慨時危主憂抱憤以
卒臨終書辭滿幅言皆國家事時人傷之弟若
思累官著作佐郎因奏對上以為深
得愛君之體歷朝散郎知制誥致仕

汪體仁

字濟仲直隸休寧人生有異質一目重瞳紹熙間登進士授承奉郎房州竹山縣尹有治

行以壽終

汪文振

字子潛休寧人淳熙中登第歷官司農少卿提點浙西刑獄剖決無滯時旱蝗民饑縣督

逋監錮甚衆文振皆釋之期以秋償民藉以生改福建憲節請老卒

汪沆

字濟遠靖康間逆敵犯闕結盟去沆時太學生逆知敵必渝盟叩闕上書極論求才練兵為守

禦備不報明年金人再至沆以書抵尼雅滿力陳大義用兵利害遂東歸遇李綱又投書有言

不足慮實深可慮者四綱聽之竟以國恥未雪憤慨而卒

汪鎮

字仲理黟人提刑作礪之孫侍御義和之子遺澤補承務郎調宣城水陽鎮歷臨安鹽官丞授

復州簽幕贊理藩條多所裨益制帥趙方時為
湖州計使風力峻整僚屬敬憚未嘗妄加題品
獨以鎮名德之胄尉有才畧奏薦之改調荊州
食判尋知興國之永興授江西帥幕終更調德
安倅方備邊以軍儲為急版曹條下同郡守均
糴幾十萬石邊例酬賞餉臺亟以上聞鎮謂廣
積貯效忠勤皆臣子分內事何以歸賞為置不
問倅廳財計優裕兩制常賦如期趣發前此臨
額取贏往往掩而歸橐鎮以餘帑十萬緡上制
司以萬緡助郡猶存數萬以與代者一毫無所
私被命知壽昌會有旨廢郡為邑改
并漢陽轉朝散大夫未及上而卒

汪應時

字伯逢婺源石田人天資敏悟日誦數千言
登寶慶丙戌進士第調隆興府奉新及贛州

石城尉秩滿太守葉某命受納秋苗有羨末一
毫無所取秋房樓公嘉之薦于朝調南安軍判

官鄂州司法特轉承直郎舉考及格宰鄂之宗陽政之可記者非一其孝于親友于兄弟和于

宗族鄉黨詩書禮

義之澤穆如也

汪大信

字夢約休寧人登第調武昌簿丁父艱改錢塘尉巡察園田董督湖岸捕私釐茗有功京

尹來韶奏擢之任廣西道鹽場以親嫌不赴間居十年凡里中有利可興害可除雖捐厚貲無靳色遷石城縣丞攝邑期年處冠數萬緡騷大信率邑民數十禦之寇皆遁去辟知分宜縣任辰州推官丁母艱服闋調高郵推官未赴卒

汪汲

字子遷績溪人年二十登嘉祐進士嘗為慈谿令以太平州推官鞫贗善大夫陳知規獄方暑

繫者百餘多疾病汲解釋浣浴餘食之訊得其情知規復官繫者出為佛齋以報性潔廉與物

無忤而政稱強
明卒于元豐中

汪奕

字公偉汲子時方復詞賦取士奕尚少試太學即為第三人與弟襄相繼登第友愛尤篤為東流令有書生以妄言繫獄憲使欲置之極典奕以為狂疾奏上果貸死使者以書謝曰微君吾幾陷大人

汪襄

字公弼少從兄奕游上庠商河常環號知名見之驚喜與定交仕南陵主簿太守翟汝文引為兵曹薦其文史足用詞有古風書遺朝士言不喜為宣城守而喜識汪主簿始襄在太學有詔擇內生為使臣學教諭以教諸小內侍大司成汪漸以襄名聞時梁師成為提領方貴寵見襄頗禮憚會襄以內舍三試不中當退舍師成從容言於上有旨特免襄自陳願得退舍不可以

襄故亂學校法上使小內侍從裏學者押赴內舍竟不就及登第後師成欲薦為館職裏自言處學校久方欲試吏州縣不願在冊府師成覺其有嫌遠意寢怒語人曰彼者儒也詎敢況之至是秩滿改宣教郎押白金詣敵帳用敵中權衡虧其半苒怒甚同行皆股栗徐辨竟得直嘗作弔陶朱西子賦興寄高遠奕子安世裏子安行皆登第安世天資端厚教後進有法授吉州永豐簿

汪鳳儀

歙人性嗜學好施與族之男女孤貧者延師教之擇壻嫁之連中漕選五試禮部不利後

以薦仕至通直郎致仕

汪暉

字處微績溪人九歲喪父哀慕如成人事祖母及母以孝聞六經子氏之書靡不研究郡守表

甫欲見以編氓
辭年七十六卒

汪繼宗

歙人生淳祐間見國祚不競有恢復中原之志福王與芮召見愛之妻以女宋亡自以受

國恩不即死無以見祖
宗於地下遂不食而卒

汪復

字希顏婺源人寶慶丙戌進士歷通判揚州致仕至元間部使者至邑必強請見或勸之仕復愀然曰亡國之大夫猶踰
踰為世用耶卒年七十八

汪臯會

字元贊黟人登紹興二年進士第授嚴州壽昌簿尉辟差建康比較務調建昌軍嚴官學

舊大子兵至是始創臯會留意教養以舉主改秩牢潭州醴陵邑自冠旱後氓逃于荒公庭頽弊撤而新之遂以奉議郎致仕居里閭益以書自娛著文數十卷學者稱醴陵先生

汪舜舉

字伯俞祁門人登紹聖進士第仕至信州通判時清溪洞方臘反蹂躪十二州至信州舜

舉伏兵柳家都大破之追至衢州寇平入覲授朝請大夫直祕閣賜銀五百兩絹五百疋以旌

其功乃築示嘉後樂二亭與信人同樂內相汪藻為記尋除江東提刑卒贈大中大夫

汪楚材

字太初又字南老休寧人紹熙元年余復榜進士歷湖南安撫司幹辦公事轉廣西運司

幹官楚材喜問學嘗以書通朱晦菴吳竹洲二公俱器重之告以聖門為學工夫次第及佛老

之弊遂以儒碩知名

汪杞

字南美婺源人祖漸號耕巖翁游辟雍官至奉議郎父路登紹聖丁丑進士第終信州貴溪知

縣杞繼登建炎二年第知英德曲江兩郡仕至朝散大夫知韶州府所至有政績弟利往登建炎

二年進士弟子邦直當受遺澤乃隱
遜自逸卒贈宣教郎孫應時從孫文

汪杲

紹興間知新淦縣學校一新文教振
舉淦之士盛于他邑者杲之力也

汪愷

紹興五年詔復十科取士葉夢得薦愷及徐度
汪藻薦徐度王棠中興後以十科薦用自此始

汪應辰

字聖錫元名洋紹興五年進士第一御賜今
名後為祕書監食罷會茶一同舍就枕不起

或戲曰宰予晝寢于予與何誅汪曰子貢方人
大我則不暇合坐稱美異遷吏部尚書號玉山

汪綱

字仲舉勃曾孫以祖任入官淳熙中調鎮江司
戶歷知平陽金壇弋陽蘭溪太平六縣及高郵

軍所至有政績理宗時累官戶部侍郎致仕綱
學有本原多聞博記兵農醫卜陰陽律歷諸書

靡不研究機神明統過事立決
尤長于論事所著有恕齋集

汪淳

金華人受業呂東萊勵志於學授吉州教授金華自東萊大愚二儒即世後來講學者咸歸重焉

汪泳

字伯遊休寧人登乾道乙丑進士歷將作監主簿言王者仁政必自均力役始遷理丞時臨安府有疑獄輒繳送棘廷泳言如此則天獄反為京兆一院奏止之後以中奉大夫致仕

汪安行

字伯壽績溪人紹興間登第尉蕭山教蘄州為金華宰皆有政聲倅常德權澧州入奏孝

宗謂宰相王淮曰此朴直佐家老子政事何如淮對曰舊攝澧州民咸去思遂以守澧陽官至

朝奉大夫

汪雄圖

字思遠休寧人泳族弟淳熙十一年試經義及董仲舒師友淵源論登上舍科進士歷峽

州教授轉從仕郎建昌軍教授授卒雄圖博學強記以明經講授所居据平坡植李四方學者築室其旁號李頓先生有李頓集行于世弟令圖登慶元五年第

汪必達

字兼善黟人登進士第官至太常主簿嘗知旌德縣有父訟其子者必達曰父子主恩忍

以私庭言語聞官乎授父以杖使自笞其子己而感悟父子如初

汪萃

字叔耕休寧人為學不屑於場屋聲病之文嘉定間有詔求言萃詣闕論天變人事民窮財盡之弊不報真德秀楊簡見之曰真愛君憂國之言也時朱熹召赴經筵萃貽書言主上父子之間諸公所不能濟者待先生而濟否則不能為天下後世學道者之地熹重其言

汪勳

黟人嘉定初登第調婺州戶曹改淳安尉時遭水惠民舍漂沒勳所救活甚多授荆門錄參及

廣西檢法兼提幹舊北銀綱分毫無所染紹定初改辰溪宰地雖夷獠當路欲移近地勦謂臣子之職不當趨易避難單車至邑蜜療帖服卒于官賴賻贈以欵

汪澈

字明遠婺源人登進士除監察御史時以和戎弛備澈陳養民養兵自治豫備之說凡數十言

又以左相湯思退不協物望與陳俊卿劾罷之歷官叅知政事與宰相陳康國同贊內禪孝宗即位銳志恢復用張浚使江淮以澈督軍荆襄後以議不合奉祠去澈知人能薦士嘗曰臣起寒微所以報國者惟無私不欺耳後徙家于廬之六合

汪作礪

字必成黟人樞密勅長子少有聲場屋預鄉薦入太學補承務郎授浙西倉屬江右帥幕

主管臨安府城北右廂乾道初元歲歉朝廷錄抹荒之功主奉常簿乾道五年子義榮義端同

登第作礪知桐川陞辭面謝子姪輩俱叨賜第
玉音褒諭云皆是卿子足見義方之訓守延平
秩滿入對乞哀二十年間寬恤詔令為一書冠
以戒勅之辭俟監司守臣陞辭日各賜一本終
更仍令以所行復于上而賞罰之除提舉湖南
常平茶鹽就除提點湖北刑獄丐祠終于家年
七十三居家必時製良藥以施病者市紙衾
以施寒者又施棺收無以為斂者居官亦然

汪義和

字謙之礪子知隆興新建縣時講荒政策畫
備具視旱白府帥曰旱勢特甚已批與八分

矣帥怒其專義和執愈堅帥為變色久之擢淳
熙八年進士第治縣有聲倅紹興守武岡每大
比附試於郡歲貢一名義和謂郡統溪洞民尚
武健欲變其俗莫若崇學校科舉乃請于朝竟
得闢貢聞增貢員秩滿太常博士兼禮部郎中
樞密檢詳館伴正旦使時慈福几筵未撤使以

樂請義和折之曰國樂尚禁使人奈何以此為
請使慚而止除右司兼檢討玉牒除起居舍人

繼除侍御史兼
侍講兩月卒

汪義榮

字煥之登第知崇仁縣有豪猾武斷持縣短
長令不敢出氣乃籍其姓名姦猾望風知警

遇旱盡心荒政丁內外艱服除差江東機幕幹
辦漕司審計知沐陽值蠻寇之變城堞圯毀乃
增築城樓經畫捍禦
賊遁去除大理丞卒

汪義端

字充之為叔父作舟之後甫弱冠遂登第廷
對第三人授奉國軍節度推官遷樞密院編

修太常丞權吏部郎改工部知秀州有形勢戶
田數千畝不輸官賦責其輸而返其田守池陽
召對除侍左郎官紹興四年除監察御史知太
平州改寧國府進華文閣待制帥紹興義端念

此邦和買之重倍於他邦奏疏極言下戶科數之擾與代輸和買并五等未納之稅除徽猷閣待制丁母憂服闋起知婺州帥隆興皆丐祠知鄂州到官未舉以病卒年五十八有盤隱集奏議藏於家

汪季良

廣信人開禧二年知平陽縣政治寬恕立十事諭民其目曰親父子和兄弟謹夫婦明君

臣善朋友視疾病早安厝嚴繼絕保本業戒詞訟凡數千言曲盡人情法理修塘埭斗門以興水利民甚便利之

汪立中

嘉定間出知武岡軍工詩好學作興士類

汪長源

知阮州增多浚城池軍需悉備時巨寇曹成來攻阮長源多方禦之成遂遁去民懷其惠祀

于忠
賢祠

汪應元

字節卿歙人紹定五年登第調潭州戶曹嘗奉臺檄出武岡之綏寧會徭洞肅聚從者請

避之應元曰吾以王官奉王事奈何為小寇所懾乎即前往召酋長以理諭之皆服淳祐間擢刑法科除大理評事歷大府丞權刑部郎議獄精審遷攝太常卿後以直祕閣提點浙東刑獄

卒于
官

汪肩吾

字君山性澹泊恬退屢辟不就博學宏才著述甚多

汪若楫

字作舟休寧人咸淳間為紫陽書院山長歷官宣城尹精研理學尤工於詩所著有秀山

集十
卷

汪儀鳳

字祥甫歙山泉人六歲能文連中浙漕凡五試禮部不利賈似道嘗以詩經納交後自江

上還朝奏授迪功郎隆興府司戶叅軍度宗登極辦公事尋以功差充淮東制置大使同幹辦公事歲甲戌詣部班引廟堂議以史館處之謝不顧遂以通直郎致仕性嗜學手不釋卷居鄉好施與病不服藥將終沐浴衣冠端坐而卒年八十四晚築山泉亭因以自號人稱山泉先生所著有山泉類稿四十二卷程文六卷

汪詠

字若遊休寧人孝宗時知蒲圻興起學校政聲曄然上言正經界均力役皆嘉納遷大理寺丞

汪自強

淳安人紹定間進士知錢塘縣時值五饗赤縣出班起居人物清修帝目送之中書因薦

其才除監察御史兼崇政殿說書未幾遷大理寺卿

汪元春

字景新奉化人貧苦卓立博涉羣籍尤長于詩早遊京國不妄內交登淳祐元年進士宰

錢塘貴勢不敢干以私後以宗學博士守興化端介強敏人皆悅服比歿士民巷哭祠于郡學

中書劉克莊以遺愛錄聞于朝

汪立信

字誠甫六安人舉進士累官端明殿學士咸淳間襄陽陷立信移書抵賈似道請用三策

不從為元將巴延取之立信大哭曰吾幸得在趙家地上死竟扼吭而卒巴延求其家厚撫之

曰忠臣之家也

汪之林

字德仲鄞人尚書大猷族孫幼見樓宣獻器之之林言行淵懿善尺牘見後進道嘉言善

行灑灑不倦舊與賈丞相游賈少事游狎其母禁止之聞與德仲游不復詰晚守汀州歸里以

終清約

元汪一龍

字遠翔休寧人幼好學不倦值鶴山先生子克愚守徽州一龍從之遊久之始調建康句

容尉攝縣事歲大饑做朱子南康遺規為便民十條行之民無瘠殍扶滿注婺州教授淮帥李廷芝辟入幕時京口瓜洲失守奉母航海南歸宋亡不仕至元戊寅江東按察起教紫陽書院先時將李銓降元毀書院屋為城守具一龍與曹涇竭力重建書院使人知朱子之學卒年五十三號定齋學者稱定齋先生

汪夢斗

字以南績溪人號杏山宋處士暉之孫景定辛酉魁江東漕試授承節郎江東司制幹官

咸淳間轉承務郎史館編校即不仕元至元己卯尚書謝昌言等保薦以補馬辟取趨京不赴

遂擬將仕郎教授鄉郡見謝有詩云執志本期
東海死傷心老作北朝臣又詩云不死雖然如
管仲有生終是愧淵
明有北遊集雲間集

汪宗臣

婺源人入元不仕孝友天
至子姓同居庭無間言

汪庭桂

字秋芳婺源人舉進士授紫陽書院山長自
宋亡絕意仕進會劉國公平安南授本省左

司郎中以終養父母
辭不就士大夫高之

汪灝

字季夷弟瀚字幼海奉化人父懋卿初與弟森
卿同學同貢並因宋革不仕杜門著書灝瀚授

家學治易春秋躬耕孝養灝從海陰陳萬伯講
學著有詩文曰蠟臺橐灝先卒瀚為知州馬稱
德薦于憲臺授衢州路學錄辭不赴國朝洪武
初府文學單有成奉使采修實錄書二貢士于

宋書二處士于元
真一門威美也

汪漢卿

字景良黔人宋戶部侍郎綱之孫以祖蔭中銓主龍泉簿歷浙東運幹除知貴池縣歸元

除本縣丞考滿趨京值開館修史翰林集賢兩院官交薦其才授翰林院國史編修官同知制誥累轉翰林修撰至大三年以國子監丞承德郎致仕為人謙和樂易博文強記筆札尤精在翰苑十年凡中朝討論典故衆人所不能識者叩之應對不窮卒年八十一自號菊坡有詩文二十卷名養浩集藏于家

汪世顯

鹽川人仕為都總帥開拓西蜀有功累遷使宜都統帥後追封隴右王子七人忠臣輩昌

便宜副總帥德臣都統帥直臣都總領良臣中書左丞翰臣與魯兵馬都元帥佐臣左翼都總

領清臣四川行樞密院副使累世蔭封

汪文璟

字良辰衢州人生有異質五六歲如成人平居危坐終日性嗜學泰定元年舉進士尋遷

翰林編修累官廉訪副使以國難憂憤不食卒所著有居朝橐明農橐行于世

汪惟正

世顯孫幼穎悟藏書二萬卷喜從文士論議古今治亂尤善談兵累官中書左丞行秦蜀

中書省事改陝西行省左丞卒謚忠肅二子嗣昌成都管軍副萬戶壽昌江南行臺中丞

汪澤民

藻七世孫少警悟力學長通諸經歷數郡通判所至人服其明後以禮部尚書致仕退居

宣州值長槍賊來寇或勸其去澤民曰我故受國厚恩臨危愛死豈臣子之節耶叅畫戰守之策及城陷賊誘之降大罵不屈被害

汪林

常山人幼孤奉母至孝嘗歲歉以財貸貧者不責其償正統中余闕廉問浙東察其行義舉之不

就

汪耆英

休寧人至正壬辰紅巾賊起與弟漢英倡義保障鄉里一日與賊戰陷于窋大呼曰吾弗

濟矣汝亟脫身以養親漢英奮勇死戰賊退兄弟俱免乃挈家避地耕讀養親

汪汝懋

字子敬淳安人至正間以春秋中乙榜值鄰境有警省命汝懋領鄉兵禦之有功陞教授

叅軍謀尋改浙東閩帥掾以老親辭歸攝本邑命未下御史高納麟辟南臺掾遷定海尹興學校理冤枉理軍儲修戰具去虎害善政甚多累官至翰林待制兼國史院編修致仕所著有居

官四要
行于世

汪士遜

字宗禮休寧忠孝鄉人至元十八年以例舉授南軒書院山長性資溫良不尚華侈尤勤

教育嘗謂人曰凡讀書以踐履致用為本立身以孝弟為先苟不由此非聖賢之道化洽鄉閭人多悅服子安甫為黟縣直學孫

袞為國子學錄至今猶守遺訓

汪時中

字天麟祁門西隅人博學善吟不樂仕進元李隱查山築書堂與兄克寬講學學者稱查

山先生所著有三分彙藏于家

汪逢辰

字虞卿閩人大父自闕以子三桂蚤世命逢辰為之後母張氏矢節不回逢辰年四十始

教諭鄉校調饒州路都江書院山長轉嘉興路崇德州學校教授卒年七十有七有鳴球集忠孝集稽古編七經要義太平要覽子奕慶字處謙以儒起家調平江路長洲縣學教諭歷衢州路

欽定四庫全書

卷四十六

清獻書院山長平江嘉定又太平路二學教授

明

汪文炳

字炳叔歙人國初天兵渡江隨撫諭官孫炎入謁授祕書典籤講說稱旨除都昌知縣時

陳友諒以兵來攻援絕被執賊奇其才欲官之不受遂抗詈而死

汪仲魯

初名獻以字行性穎悟過人年十二能賦詩既冠與朱升趙訪諸先達相討論國初徵賢

擢授左春坊左司直郎上一日召侍講與朱善劉三吾二學士同班賜坐聯席時稱三老上閔其老而喘御製薰風南來諸詩賜之有吾溪集行世

汪克寬

字仲裕祁門人少穎敏力學元舉于鄉不第遂隱居教授鄰郡學者皆宗師之號環谷先

生所著有春秋纂疏綱目考異國初聘修元史事畢以疾辭不仕學士程敏政贊其像曰此考

亭世適門生第四人也
此龍興史局第一人也

汪曾世

字漢文鄞人宋尚書大猷五世孫洪武初署行都督府掾授太平府同知馭下吏民不忍

欺事恒先期而集嘗有三虎踞林岡距城不五里白晝飼人民患焉曾世為文咒之虎即遁去人以為德化所感秩滿陞湖廣按察司副使振肅憲紀姦欺多所摘發然以寬濟明亦未嘗鉤摘隱伏置人于罪論者謂正己格物曾世有焉

汪大本

洪武初為武昌知府勤於撫字教養有法甫下車即募財捐俸以構講堂修齋舍由是武

昌多學者

汪廣洋

字朝宗高郵人少從余闕學通詩書上渡江首召諸儒留為元帥府令史歷官中書左丞

相封忠勤伯後貶海南死于道善篆隸大書尤工善歌詩為人寬和自守與姦人同處而不能去蓋其相才不至云

汪興祖

巢人張德勝養子至正庚子德勝戰死太祖命興祖嗣職屢隨出征有功封東勝侯後從

傳友德征偽夏戰死贈公世襲

汪有訓

字得時休寧旌城人祖壽號靜齋宋末以易請鄉舉有訓克傳家法性純質粹貧而力學

明易著周易句解尚書論語孟子註未成所交者朱風林升吳約洲責輩洪武中卒

汪凱

龍溪人博學能文章永樂癸卯鄉舉第一登進士第授禮部主事陞浙江按察司僉事以清介

聞後致仕卒

汪景明

黔縣人永樂中進士選為庶吉士歷監察御史巡歷有能聲陞湖廣布政司參議卒于官

汪壽

世顯之後廕襲指揮同知守鞏昌永樂中陞指揮使宣德初陞都指揮僉事正統中陞都指揮

使復以靖邊功陞署都督僉事協副總兵官守備涼州為人恭謹敬禮士大夫名重于時

汪善

字存初歙人永樂丙戌進士以例歸省逾年赴京授吏科給事中彈奏不避權貴指紳憚之未

幾出知湖廣夷陵州改廣東萬州陞永州府同知卒善在郡庠清儉苦學兩任州政勤于撫字

勸農桑崇學校有循吏風

汪存

字廷堅歙人少好學日侍親側怡愉孝敬出得一美味必先以寄父病久祁暑間祛蠅蚊靡晝

夜母疾百藥不治乃割股作羹母啜之愈後隨父商歸舟宿邑之女灘天未明父捨舟先歸人

言前路有虎存不待飯冒雨雪追四十里始及父果遇虎山陬存泣告天曰願虎寧傷已毋傷

吾父虎不動人謂孝感所致存以忍餓犯寒致疾竟至莫療鄉里共惜

汪溥

字源學績溪人舉鄉貢授蘭州知州興學教士課農足民有龍池河壅塞為患忽自東注粟有秩滿民赴闕留詔陞從四品再任以慰民望擢廣西慶遠知府歷按察副使所在育政績卒于官郡之民莫不為之流涕

汪進

婺源人舉進士授刑部主事嘗奉命山西訊憲臣與武臣構獄事武臣賂權貴為之主進據實以聞權貴切齒擢山西按察僉事有宗室誣郡王事力鞫其實改湖廣僉事蠻夷諸司皆中國人冒職有秦志虎者自建府設官吏民酷受其毒進與三司往按之悲置於法御史欲上其功

進謂臣子之職固辭歷福建山東副使皆有政績遷按察使至左布政卒于官民皆立去思碑

汪回顯

字汝光祁門人正統間進士授戶部主事已巳北敵犯邊督芻餉于畿甸奏行勸借賑恤

之令人得甦息景泰初監運懷來永寧軍餉備嘗險阻明年買牛具于河南轉送大同給濟軍民耕種于時饑旱塞路奏發廩賑恤全活甚衆又教民掘蕨為粉以療饑為利甚博民懷其德立祠生祀之又嘗使西蜀覈實鹽井奏除冗課十餘萬後歷知廣惠二府政尚寬厚不任刑罰以老致仕歸

汪敬

字益謙婺源人正統癸丑進士奉命往湖廣纂修宣廟實錄竣事還丁外艱服闋以母老求終

養家居十餘年起授戶部陝西司主事監督通州等處馬房糧料以廉能著績

汪藻

字文潔，曲江人。幼以奇童稱。七歲補弟子員，發解成化乙酉，登進士。由翰林，歷叅政，首勅汪直

王越亂政，汪開邊釁，立西廠，章上罷廠，貶直。越藻在朝有半朝汪之稱，居鄉律已，正直剛方，允

為士表

汪浩

字弘初，石首人。進士，任僉事，善謀斷。天順末，成

夔潼嘉盜羣起，連跨州郡，鎮巡束手無策。乃委於浩，浩多用疑兵，深入盜區，擒斬萬級，盜漸衰。陞僉都御史，巡撫四川，討平劇賊趙鐸，陞副都。後征都掌，殺降，召亂，尚書程信來征糧，運不繼，衆心危懼，浩詭言遠攻，近交，帥兵先進，發其窖，藏軍得不乏。

亂賴以平

汪舜民

字從仁，婺源人。由進士授御史，陞江西按察司僉事，歷陞福建按察使，南京操江都御史。

卒於途
聲民才識明敏
刑名練達所至有聲

汪霖

字潤夫六安州人登景泰甲戌進士擢監察御史按雲南浙江所至振紀綱洗冤滯不察察為

名歷右僉
都御史

汪洪

字克容蒲圻人成化初順天鄉試第一明年登進士歷戶部郎中值北敵入寇威寧伯王鉞統

兵出征洪督餉斟酌損益區畫攸當陟山東叅議以拒冢宰尹旻子請詰譖之中官汪直謫知

綿州歲旱捐俸賑救既乃濬水源創石盤七堰溉田數千頃賴之先是都御史孝感張璿開壩

底諸堡通茂州洪至往理戎務土酋突遇洪控弦交射中流矢墜偏橋懸崖死居人月夜每見

乘馬如生
立祠祀之

汪正

字惟中歙人早知讀書力學成化己丑進士授福州長樂知縣鋤強植弱杜絕私謁擢貴銜之

沮其遷秩至再考始陞南京戶部主事均衡石謹出納陞本部員外郎再陞郎中在部九年操

守一致擢湖廣辰州府知府能施其善政當道者嘉其剛大有守屢剴薦之不幸以疾卒于官

汪宣

江陵人成化甲辰進士初知華亭以考最擢御史時宦官李廣擅權壞政事敗頗連大臣太宰屠滹以為不必深究宣上疏劾之數其回護及壞選法之跡人甚難之後巡視松江等處貪墨

多解印綬去

汪如玉

字德溫直隸歙人和厚醇粹篤古持禮居家以孝友稱所得學廩輒分濟其族人經明行

修為士人所宗後以貢授福寧州訓導卻私饋士有嗜學而貧者周之因材施教孜孜不怠語

及義利之際尤致意焉故諸生咸興起多文行
士督學胡公鐸邵公銳相繼嘉譽之嘉靖三年
卒于官諸生哀悼有扶輿逾
百里外者後舉入名宦祠

汪杲

字廷輝休寧人天順間進士授南京戶部主事
清謹詳慎轉郎中擢雲南曲靖軍民府知府時
羅雄州土官自相讐殺杲攻抵其地
諭以朝廷德威四境帖然以老致仕

汪山

字仁夫歙人成化間進士授行人拜監察御史
巡按雲南時孟密叢罕弄與木邦宣慰罕它法
讐殺屢綏不服久為邊患山至諭以恩威遂革
心效順各歸侵疆以事聞璽書褒勞云消三十
餘年之邊患活百千萬億之生靈擢
浙江按察司僉事乃以疾卒于官

汪靖

祁門人家百口同爨尺布不私鄉邦稱其行領
鄉薦授交河知縣居官清慎不事逢迎民甚安

之後改于武平縣
卒于官囊無餘蓄

汪宗器

字鼎夫其先婺源人五世祖徙于太平之繁昌因家焉性素警慧有大志言辭敏給下筆

語輒驚人成化庚子領鄉薦甲辰登進士第授行人擢監察御史巡按湖廣薦賢黜貪不避權貴尋擢南京大理寺丞發奸擿伏儼如神明凡疑獄不能決者一訊立辨陞北京大理少卿未幾以母老乞歸養特進光祿卿致仕卒于家子廷伍廷任廷任廷任廷任廷任

汪貴

字良貴歙人成化間舉進士授嘉善知縣富民買田不割稅令小民代納貴志數正之為豪猾

所誣送吏部民數千人擁舟攀號請留其衣作留衣亭邑人周寅等上書訟其冤尚書三原王恕為請復職民心乃安後改固始縣卒于官身無遺物僅衣被而已

汪玄錫

字天啓休寧籍婺源人授兵科給事中陞太僕卿轉江西巡撫副都御史仕至戶部右侍

郎卒于官贈本部尚書

汪應軫

字子宿山陰人正德丁丑進士歷提學副使

汪鉉

字宣之婺源人弘治進士歷任浙江左布政使陞都察院右副都御史提督南贛軍務累陞南

京都察院右都御史兵部尚書左都御史掌院事改吏部尚書太子太保

汪循

字進之休寧人弘治進士兩為縣令民皆有去思擢判順天當正德初逆瑾擅權循一月三抗

疏于朝請裁革中官及上內修外攘十策言剴切為瑾所忌罷職瑾誅遂召弗起仕

汪奎

婺源人舉進士授秀水知縣拜御史正德初同臺諫上疏言宦官弄權廷撲幾死謫通判後至

都御史
以疾卒

汪思

字得之婺源人正德進士改庶吉士授給事中
推廣東右叅議性溫雅與世無忤而內蘊剛正

人莫敢犯擢雲南
副使憲度肅然

汪俊

字美之浙江人弘治進士授編修仕
至禮部尚書贈太子太保謚文莊

汪文盛

字希周崇陽人正德進士授推官入為武庫
主事諫止南巡廷杖歷浙江提學副使精于

考校品隘無爽浙士允服屢遷右僉
都御史大理寺卿子宗伊戶部侍郎

汪偉

字器之弋陽人弘治丙
辰進士歷刑部侍郎

汪玉

字汝成鄞縣人正德
戊辰進士歷都御史

汪宗元

字子允崇陽人嘉靖
己丑進士歷通政使


汪一中

字正叔歙縣人嘉靖甲辰進士歷江西副使
性爽達明敏有為備兵江上死于賊難贈太

常少卿
勅祠

汪彥冲

字懋中歙縣籍錢塘人少英偉不羣人以才
士目之隆慶庚午中順天鄉試第二辛未中
進士授江西萬安縣知縣性明爽練
達志在清修享年不永卒于官惜哉



萬姓統譜卷四十六

欽定四庫全書

子部

萬姓統譜卷四十七

詳校官中書_臣徐志晉

主事_臣祁韻士覆勘

總校官知縣_臣楊懋珩

校對官中書_臣王家賓

謄錄監生_臣楊 鸞

欽定四庫全書

萬姓統譜卷四十七

明 凌迪知 撰

下平聲

七陽

黃

江夏商音顓帝曾孫陸終之後封黃因氏

周

黃歇

黔中人戰國時為楚相號春申君相楚凡三十餘年門下食客三千人其上客皆躡珠履趙使

見之大慙後為李園所害

黃公

齊人有二女皆國色常譙謂云醜惡醜惡之名播於遠近年長而無婚衛有鰥夫冒然娶之乃

國色也此違
名而得實矣

漢黃霸

字次公陽夏人習文法溫良有讓善御衆武帝以入錢賞官復察廉遷河南太守丞宣帝召為廷尉正數決疑獄廷中稱平累遷潁州太守霸外寬內明得吏民心戶口歲增治為天下第一天子下詔稱揚賜爵關內侯徵拜京兆尹後為丞相封建成侯

黃昌

字聖貞餘姚人本出寒微居近學官遂就經學又曉習文法拜宛令能發奸伏皆稱神明遷蜀郡太守斷理七百餘訟莫不得所密捕盜帥使條諸縣強暴之人姓名居處掩討無有遺脫宿

惡大奸皆
奔走他境

黃香

字文彊安陸人葉令兄之子事親至孝夏月扇枕席冬則以身溫被九歲失母思慕憔悴太守

劉護召署門下甚見愛敬香博學經典能文章京師號曰天下無雙肅宗詔管樞機而香亦祇

勤物務憂公如家

黃橫

後漢書作璜字平仲琅邪人從號徐敖學毛詩并古文尚書聞東萊費直長於卜筮亡章句徒

以豕傳繫辭十篇文言解說上下經橫能傳之漢平帝元始中為大司空掾時河決徵能治水者御史韓特以為可略於禹貢九河處穿之橫言河入渤海地高於韓牧所謂穿處注者天常連雨東北風海水溢出西南浸數百里九河以為海所漸矣禹行河水本隨山而下使東北而去上用其言而河治

黃瓊

字世英香子永建中公卿多荐瓊者徵至拜議郎稍遷尚書僕射瓊爭議朝堂莫敢忤奪尋遷

太尉封祁鄉侯瓊首居公位舉奏貪汙海內翕然望之卒贈車騎將軍謚曰忠侯

黃琬

字子琰瓊孫瓊初為魏郡太守建和元年日食京師不見瓊以狀聞太后問所食多少瓊未知

所況琬年七歲在傍曰何不言日食之餘如月之初瓊大驚即以其言應後徵拜少府又為豫

州牧擊平寇賊威聲大振封關內侯及董卓秉政徵為司徒遷太尉更封陽泉鄉侯

黃憲

字叔度慎陽人屢舉孝廉不就陳蕃周舉嘗相謂曰時月之間不見黃生鄙吝之萌復生于心

郭泰曰叔度汪汪若千頃波澄之不清淆之不濁不可量也叔度憲字天下號曰徵君

黃允

字子文以雋才知名郭林宗見而謂曰卿有絕人之才足成偉器然恐守道不篤將失之矣

黃浮

桓帝時東海相時中官兄子為下邳令強奪故汝南守女歸舍殺之浮收其家屬按法悉棄市

三黃蓋

字公服零陵人赤壁之役建策火攻後加偏將軍為江表之虎臣

黃權

閬中人字公衡在蜀為鎮北將軍昭烈敗不得已降魏為車騎將軍司馬宣王問曰蜀中有卿

革幾人又曰黃公衡快士也懿器之

黃忠

南陽人蜀漢昭烈南定諸郡忠委質隨從入蜀嘗先登陷陣勇冠三軍擊斬夏侯淵以功賜爵

關內侯

晉黃泓

晉人父沉善天文秘術泓從父受業精妙愈深魚博覽經史尤明禮易性忠勤晉懷帝永嘉之

亂與渤海高瞻避地幽州後石季龍攻旆旆將走遼東泓曰賊有敗氣無可憂也不過二日必當奔潰宜嚴勒士馬追擊之備旆曰今寇盛如此卿言必走弘未敢信泓曰陛下言盛者人事

耳臣言必走者天時也胡足為
疑及期季龍果走虢益奇之

黃輔建城人有高行事親以孝聞州郡舉孝廉穆帝
時仕至御史清直有節操晉政不綱權臣擅命

遂隱遁馬子仁覽
仕至青州從事

南黃閔武陵人博學有詞藝撰杭州志唐
章懷太子注郡國志取之為證

唐黃為歙縣人建中初繼母洪氏病割股饋羹而愈貞
元中父卒號泣不絕聲廬墓終身不舍墓側產

芝及連理木刺史
上其事詔旌其門

黃桓邵武人居母喪廬墓三年有芝產墓側貞觀中
旌表門閭同郡張巨錢亦居母喪廬墓十三年

永淳初蠲
其賦役

黃碣

閩人喜學問軒然有志向同列有假其筆者怒曰是筆他日當斷大事不可假也後為董昌所害

黃滔

字文江莆田人乾寧初第進士光化中除國子四門博士遷監察御史裏行充威武軍節度推官王審知據有全閩而終其身為節將滔規正有力焉唐社既屋遂不復西其文章亦僅見於閩南論者謂莆郡文章家以滔為初祖有集十五卷泉州秀句集三十卷

黃璞

字德溫侯官人後徙莆田少與歐陽詹齊名大順中登進士第官至崇文館校書郎當昭宗之世杜門不仕黃巢兵入閩以璞儒者戒毋燬其居遂滅炬勒兵而去自號霧居子所著有閩川名士傳及文集二十卷

黃岳

寧德人博通經典尤邃易象數之學唐末由鄉貢入太學巢寇入閩避地者無所衣食聞岳勤

施有長者風從之如歸市賴以不死者甚衆乾寧中王審知節度威武軍屢辟為屬力辭不就既而朱溫篡唐審知竊王號必欲起岳岳度不能拒遂投於淵而死邦人哀之相與立祠祀焉

五代黃損

連州人梁龍德初舉進士仕南漢官至左僕射有桂香集行于世與宋齊丘桑維翰善每論天

下事二人自以為不及

黃晟

字明遠鄞縣人時盜賊蜂起授晟為散騎常侍明州刺史討平隣寇保護鄉井境內以安晟尤

能禮士江東儒彥多依之築其居號曰措大營

黃玉

上猶人天祐中補使院尋署上猶場猶民德其保障累功二十四年有司上其狀于南唐授銀

青光祿大夫上柱國賜紫金魚袋以壽終昆弟子孫顯於宋聯登進者八九人

宋

黃夷簡

字明舉福州人父廷樞事王審知簡少孤好學有名初事吳越署光祿卿後隨錢俶入朝

官終平江軍節度副使夷簡喜談論善屬文尤工詩老而不輟太宗以其嘗勸俶入朝加寵遇焉

黃禹錫

字仲元晉江人初為留從効別駕奉表朝貢于周後歸宋以檢校水部郎中攝莆田令時

林居裔負險倡亂禹錫為主禹錫曰頭可斷賊不可為密遣長子觀與陳靖乞兵于漕使楊克讓賊聞之怒坐禹錫與其次于藪帳下持刃臨頸父子神色自若不為屈既而觀等以兵至賊平詔嘉其忠尋請老以疾終觀起家蘄州司法荐歷省府綽有能聲終兵部員外郎

黃曉

南城人大中進士流落銓調二十年嘗謂大丈

夫當自奮拔豈能碌碌出人門下通判廬州轉

運使陳杲以威懾下吏有訟杲者朝廷遣曉鞠

之人皆危曉為屬部勢不可問曉治之以理略

不為意議者歎服累

官至職方員外郎

黃震

字伯起浦城人進士及第累遷著作佐郎通判

遂州嘗有詔給兩川軍士緡錢詔至西川而東

川獨不及軍士謀為變震白主者曰朝廷豈忘

東川耶殆詔書稽留耳即開州帑散給如西川

衆乃定明日詔至後由都官員外郎擢江淮發

運使先是李溥自三司小吏為發運十餘年姦

賊狼籍丁謂黨之無敢言者震將行上書自陳

辭頗憤激真宗知其意在溥也諭之曰卿當與

人和震對曰廉正公忠臣職也負陛下任使者

臣不敢與之和既至發溥姦賊數十事溥坐廢

而震亦為溥訟奪一官及謂貶乃復官知饒州徙廣東轉運使廣南歲進異花數千本至都下枯死者十八九道路苦其煩擾震在真宗朝數論事既卒詔進官一等

黃晞

字景微建安人少通經聚書數千卷學者多從之游自號聲隅子著款獻瑣微論十卷石介在太學遣諸生以禮聘召晞走匿不出韓琦表荐之以為太學助教

黃君俞

字廷僉校書璞之玄孫也父問字公裕博通五經創上林義齋以聚英俊之士立為五規

一日修身謹行二曰立志抗節三曰潛心經術四曰留意世務五曰限日收功卒左丞皇甫泌誅之曰義成逸士君俞幼強學著書百卷名動京師試開封進士第一四點禮部鄭獬滕甫王珪交章論薦召試舍人院除國子監直講遷太常主簿兼禮院檢詳文字密學陳襄又薦於朝

除真州軍事推官知金壇縣歷
官崇文院校書改館閣校勘卒

黃子信

長泰人以文章履行為學者師初調新會鹽
場帥楊長孺以其老榜為監當心易之嘗据

撫其簿書子信將拂衣而去投以詩有云六年
兩度拜宸旒換得青衫白上頭飛鵲只因無樹
遶窮猿何暇擇林投明知著脚當來誤幾欲抽
身不自由安得有錢了官債便無三徑也歸休
長孺得詩恨知之晚歸又詩云咲倩西風拂舊
埃歸時行李似初來也知三載清貧好博得一
家強健回

黃鑑

字唐卿浦城人少敏慧過人舉進士累官國子
監直講楊億善其文詞延置門下後遷國史院

編修官嘗詔館閣官後苑賞花而鑑特
預召國史成擢直集賢院出通判蘇州

黃亢

浦城人少奇穎過人文詞奇偉嘗游錢塘以詩贈林逋逋激賞之時杭守王隨奏禁西湖為放

生池亢詩數百言以諷士人傳誦之有東溪集二十卷

黃通

字介夫邵武人嘉祐初進士除大理丞每浩歌長嘯衆目以為異人有為元夕燈詩誰將萬斛

金蓮子撒向皇都一夜開通以詞語未壯自作云秦樓十二玉梯橫紫府千門夜不扃疑是嫦娥弄春色彩雲移下一天星其雄俊如此

黃豫

字伯奮永春人少穎悟蜚聲塲屋景祐初試房心為明堂賦中甲科官秘書省校書郎有詩名

黃覺

字民先景德二年進士任殿中丞有詩名楊文公劉子儀章郇公宋宣獻公與之唱和仕宦不

遂意送客都門外至則客已去見一道士在側因取所攜酒肉呼與同飲既罷道士掬水寫呂

字始悟其為呂洞賓道士曰明年江南相見果得官江南及期見道士出大錢七文次十文又小錢三文與之曰數不可益也又予藥數十藥亦垂盡作詩曰林頭歷日無多字屈指明年七十三果以是歲終

黃旦

字昇之咸平二年登第除許昌幕官知德化縣後知錢塘引薦除大理評事知光州代還遷秘書丞知黎州黎與南詔接壤鎮以清靜疾卒黎人思旦之德相與立廟歲時祀之其後子孫蕃

衍昌
盛

黃瑊

字君度震子蚤歲喜讀書加冠中鄉舉既而以世賞補太廟齋郎除長汀尉轉任臨安用薦者改將作監丞知新建縣又遷殿中丞通判台州任滿除國子博士出知撫州罷秩蔡君謨知監

院因言職才器明敏資性公廉所至有聲臨事不苟嘉祐末會恩復官仁宗山陵起發錢帛還朝時相以名上授廣濟都大輦運司歲增數萬以疾卒年六十二官至朝奉郎

黃鑄

旦之子官至銀青光祿大夫開府儀同三司子敏用累遷朝散大夫提點四川茶馬事敏願累

官中散大夫孫敦書累官中奉大夫直徽猷閣兩浙路轉運副使敦彥累官朝諳大夫江南東路提點刑獄公事

黃履

字安中邵武人嘉祐中進士累官至御史中丞後定郊議進尚書右丞以言鄒浩犯顏納忠當

徙善地坐罷知亳州徽宗初召復右丞加大學士

黃庶

字亞父工詩子大臨庭堅叔達

黃大臨

字元明善詩有云急雪鵲鵲相並影驚風鴻雁不成行

黃槩

字平叔龍溪人好學力行父忠助邁疾傾貲求醫或言不為子孫計槩泣曰苟疾愈雖子孫饑

餓吾亦無憾父年九十六母鄭氏年九十九將卒曰為人子若爾者少吾願為爾子以報言訖而卒後槩妻有娠將彌月夢其舅曰吾某月某日某時為爾子及期生子彦臣官至朝散大夫封槩承議郎賜緋累贈朝散郎子孫登科不絕人以為孝行之報

黃彥臣

字叔槩龍溪人登治平第調南寧簿歷倅泉廣二州守莆汀劔建四郡官至朝散大夫贈

少師彥臣糾郡時有強盜守欲置之法彥臣疑其冤緩之果獲真盜在建州切切為民興利除害建劔之俗有生子不舉者彥臣令保正月申官贍之後為定式子願尉晉江造轎以遺彥臣

彥臣惡其侈焚之仍貽書切責時服其清嚴

黃隱

字仲光莆田縣人唐校書郎璞五世孫也隱與從父理同第治平四年進士是歲族父君俞先

試開封第一四黜禮部隱上書乞以所得恩命君俞君俞遂得召試除撫州司戶隱知無錫縣以最聞元豐中召為監察御史遷殿中侍御史剛直敢言無所畏避初召對神宗問學術時尊尚王氏學而隱以司馬光對不稱旨及問福建茶鹽利害條對甚悉上嘉納之元祐初守國子司業力排王氏新語取三經板火之出守泗州歷監司郡守凡七任坐尊司馬氏學入元祐黨籍臨終戒家人毋得請致仕徽宗聞而異之與一子官靖康初追贈直龍圖閣再官其二子黃裳字冕仲浦城人為書生時嘗有魁天下之志元豐四年郡之譙門一柱忽為迅雷所擊裳聞之

口占四句云風雷昨夜破枯株借問天公有意無莫是卧龍蹤跡困放教頭角直亨衢次年對策為天下第一政和間知福州裳為禮部侍郎後遷尚書贈資政殿大學士謚忠文裳端純孝友每講讀隨事納忠所著有春秋講義及真山集

黃寔

字公是陳州人登進士第累官寶文閣待制知定州卒贈龍圖閣直學士寔孝友敦睦世稱其內行與蘇軾兄弟友善難以章惇甥獲免黨禍然亦不得久于朝著

黃庭堅

分寧人其先居金華五世祖瞻知分寧因家焉父亞夫有詩名庭堅號山谷舉進士教授北京國子監蘇軾見其詩文歎其獨立萬物之表為著作佐郎神宗實錄成擢起居舍人紹聖之初知鄂州為章惇蔡京等所惡謫授涪州別駕黔州安置移戎州尋坐謫宜州江西詩派祖庭

堅世以其詩配
軾稱蘇黃云

黃疇

若

得禮曾孫第進士主祈陽簿遷知廬陵周必大稱其有子路治蒲之政進知成都召除兵

部尚書力辭丐歸命知貢舉試禮部尚書所著有竹坡集曾孫玆第進士仕至廣西提幹為文筆力奔放所著有畱皮集

黃齊

字思賢建安人祖展登進士第仁宗朝都官郎中齊亦登進士第歷御史除起居舍人拜中書

舍人兵部侍郎一蔡柄用齊非時不見於私第以顯謨閣待制知通州

黃伸

字彥發邵武人遠祖惟淡教子皆登科世號黃五經伸與兄僅弟侑齊名時比河東三鳳伸嘉

祐六年登進士第知河南縣文忠烈薦之賜以東帛知泉州建學校芝生于梁改建州未幾稱

治有瑞粟生屬邑以治最聞終
司農卿子滂沔沂皆克舉其官

黃照隣

桂陽人舉進士仕為職方郎中嘗讀書於郡
西芙蓉山石林亭鄉人號為職方巖子植字

立之元熙二年進士
官朝請郎知貴州

黃國鎮

字子芳元符三年登第為福清尉孤介不可
犯每遊佛寺僧淪茗飲之必償以錢而去及

去官一奴荷籠縱步南
歸後仕至本路提刑

黃穎

字仲實嘗從陳襄學于毘陵襄愛其文行置于
經社孫莘老治廣德穎援詩疑義以問莘老奇

之元祐間舉經明行修科時天下弗就者二人
穎其一也哲宗以弗至問適莘老為中丞因條

其學行以對詔降袍笏就其家起之更三期毋
促之始調清溪尉歷劍浦薄郡守方全道以改

官薦穎力辭請畀同列某人轉儒林郎知長泰縣修治學舍無一不備晨治邑事日中與諸生

講肄經旨逮暮而歸權龍溪尉卒二縣士民齋金帛以賻其子公坦一無所受

黃輔國

字應圖轍子元豐中第進士歷知高郵軍時淮右旱蝗輔國極力賑濟民賴不殍者數萬

帥曹列薦得樞密院編脩官尋以大臣薦除右正言遷右司諫嘗論列惠民之政及學校之法皆著為令典擬改太常少卿上親擢為起居舍人時有旨看詳元符元祐臣僚章疏欲籍為姦黨輔國不奉詔出知袁州江寧府詔落職知光州大觀初知福泉二州召為給事中

黃伯固

將樂人為建昌尉累官四川安撫制置使終兵部侍郎涖官行己為時所重卒謚曰忠簡

黃萃

覺孫居官歸省父必問所治事使條其狀若當於理則歡然為飲嘗謂之曰吾所不仕者為有

子足以行吾志汝視義利是非宜謹所蹈仕至職方郎中

黃孝先

字子思浦城人為廣州尉改宿州司理活死罪十有六人呂遵路董儲以善治獄薦遷大

理丞知咸陽縣移綿竹西夏用兵詔蜀中稅絹錢奏蠲之終太常博士通判石州累贈大中

夫職方郎中所著詩二十卷蘇軾為序之

黃德裕

字仲益邵武人登元豐二年進士第知福州閩縣方勁有為再知鳳翔卒

黃叔達

號知命君善作詩嘗與陳履謁法雲禪師夜歸衣白衫騎驢緣道搖頭而歌履常行于後

一市驚以為異人李伯時以為圖邢敦夫作歌

黃彥

字修中吳人熙寧進士知浦江縣清直明恕民畫像祀之有古循吏風官至朝奉大夫

黃友聞

字聞善與柳氏兄弟杯酒相失谷有詩云自入醉鄉無畔岸心與黃伯為友朋更間罵坐

客星散午過
未蘇髮鬢髻

黃友顏

字顏徒作貧樂齋谷以二詩咏之其一曰小山作朋友義重子與桑香草當姬妾不須珠

翠裝烏鳥窺東硯星月入幽房兒報無炊米浩歌繞屋梁

黃策

彥子字子虛九歲能屬文追和梁昭明詩為蘇軾所賞弱冠擢第元符末昭慈復位號而典冊未正策引古誼上書甚切蔡京深銜之初欽宗在東宮聞策名大書隨緣堂三字以賜自號隨

緣居士

黃鑑

七歲不能言其祖喜其風骨之美遇物誨之一日攜至池上祖曰水馬池中走對曰遊魚波上

浮後任
臺閣

黃藻

延平人知清流縣脩學養士興利除害適有隣寇作亂相戒曰彼有善政慎勿犯去任時老稚

攀轅數日
始得出境

黃廉

分寧人第進士歷官州縣神宗召訪時務對甚悉擢提點河東刑獄元祐初為戶部郎中陸思

閔茶法為川陝害遣廉按察奏罷其
太甚者累遷陝西都轉運使給事中

黃蕢

字仲實震之曾孫其父嘗與飲命蕢為詩其伯戲之曰汝叔祖鑑年七歲賦梔子詩為世傳誦

後為學士汝能之乎言畢蕢詩就有黃梔姑且
饒它詠丹桂行須見我攀之句滿座稱賞年十
八自鄆貢太學以明經屢占上第嘗作易傳推
明大衍之數尤精確元祐五年庚午擢進士第

初調黃岡簿丁外艱服闋除贛縣尉在官尚氣節不能俯仰會飛蝗入境多方捕之有惡貧者反以捕蝗不及罷去恬不介意元符初起為宣城丞改宣教郎知奉新縣

黃邦俊

永福人父遠舉進士知莆田縣嘗解心經行於世邦俊元祐初進士累遷大理寺丞後知

英州有真陽共理集二卷胥訓誥文三卷纂韻譜六卷強記集八卷

黃鰲

連江人六歲能詩構思敏捷有設對者應聲而答無不中的祥符八年應童子舉賜進士出身

黃誥

字君謨平江人熙寧進士為長沙簿時章惇開梅山請增稅役誥力言罷之終太府卿

黃伯思

字長睿履孫元符中進士為秘書郎縱觀冊府藏書至忘寢食自六經及子史百家無不

精詣篆隸正行草飛白皆至妙絕頗好道自號雲林子有文集五十卷

黃渙

靈山人元符初進士初授密州文學權知鬱林州高宗壯其有志擢兵部侍郎建炎三年戰沒

贈秘閣修撰
官其一子

黃廉

字夷仲谷叔父也元祐中拜給事中誦詩引大體谷詩云廊廟從來不在邊黃庭青鎖夢靈堅

黃昭

字晦甫元祐中召拜侍御史在家著孝友之譽立朝有忠鯁之節子友聞友益友顏

黃葆光

字元暉黟人少刻意于學賜進士累官侍御史奏蔡京開僭擬之路安置昭州京致仕召

為職方員外郎改知處州歿之夕家未有繪像索之民間得百餘本

黃汝楫

諸暨人家頗富宣和中方臘犯境汝楫以財物二萬緡贖賊所掠士女千人夜夢神告曰

上帝以汝活人多賜五子科第其後子開閣閣聞皆登科

黃達

皇祐間儂智高叛狄青薦達為全州駐泊都監戰于歸仁鋪達為先鋒擊賊大敗之

黃鳳麟

其先江夏人徙家建昌鳳麟好學能文以德行稱舉進士累遷侍御史比部員外郎有文

集十卷

黃得禮

豐城人舉進士為柳州推官建中靖國初應詔言持平守正如彭汝礪葉濤之徒當省其

言子彥輔著論是非刊落陳言歷官所至有聲次山幼警敏歷官吏部員外郎數論事補外提

點湖南刑獄所著有餘集

黃庠

分寧人博學強記就舉國子監開封府禮部皆第一比引崇政殿以疾不時入天子遣內侍即

邸舍撫問賜藥時庠名動京師所作文傳誦天下聞於外夷歸江南五年以病卒

黃靜

字至一，淄川人。七世孫政和中，登第，任校書郎、通判。

務茶鹽司弓弩手，廉訪使，皆施行如章。終提舉西京路鹽事，從子泳，字永平，三歲書過目，即成。

誦大觀二年應童子科，明年賜五經及第。

黃夷行

字用之，蒲城人。父革，宣和間中武舉，官至武

憂。故事，小使臣喪，制只百日。夷行懇請持服，嘗建論委將帥訓舟師及銓選用，人利害會，有以其說聞者。孝宗召對便殿，語復稱旨。翌日降詔，獎諭特授閣門祗候，尋假泉州觀察使。知閣門事，使金既還，主管左右春坊事。東宮甚器遇之，除閣門宣贊舍人。後以疾丐閒，寧宗立，召除帶御器械，改左武衛將軍。金使至，命夷行充迓客副使，轉武功大夫。

黃應南

字南仲泰寧人宣和七年釋褐歷湖廣江浙
提刑視事必正衣冠尊嚴瞻視自俸祿外一

介不苟取時
稱中興廉吏

黃宣

莆田人知蔡州遂平縣時李彥附蔡京力助公
田脅制郡縣有王時者乞籍遂平之租以供延

福內藏凡三奉御札專委檢校屢為執中使到
覈實又以身扞之遂平以故無公田召為太學
博士靖康初得旨
褒封與一子官

黃琮

字子方莆田人元符中登第初為長溪尉遭父
艱邑令以千緡為賻辭徒步扶櫬歸遷閩清縣

又捐俸代民輸有閩清清過伯夷清之謠移同
安縣令為福州方田指教官人甚德之時與陳
麟翁谷號三循吏年五十以母老丐歸傳崧卿
荐不起母喪哀瘠不食甘露降于總帷三日郡

縣廉訪琮曰豈敢以
冥漢要人欺君耶

黃中美

字文昭邵武人第元祐元年進士宣和末調
信德府司錄事時方以收復燕雲為事中美

心憂之已而金兵陷信德中美以死自誓有挺
刃脅使降者中美顧左右踣之而逸金兵既退
宣撫奇其節俾行府事以內禪恩轉朝議大夫
已而還次京師及張邦昌僭位號中美義不辱
即日棄官去不數日
病卒累贈光祿大夫

黃彥遠

字思邈金谿人宋政和二年進士為平江府
教授值睦寇偏近境官吏宵遁母堯氏聞難

遣人勉之曰忠孝不兩立汝當死職勿憂彥
遠以義率士民城守賊不敢犯丁艱哀毀成疾
廬墓三年服除再調吉水令而歸隱居東菴著
有五經指南南運氣要覽東菴文集等書時稱忠

孝之家

黃駢

字公碩南安人居父喪芝產于靈堂前其葉累百政和中登第調崇安尉有鄭主簿者貧不妄

取卒于官駢傾囊以贖其行人皆義之終南劍州通判

黃烈

字元功浦城人宣和間守處州時青溪盜發先破杭嚴徽三郡遂陷衢婺是時處亦失守麗水

松陽遂昌青田皆沒于賊而劍川獨完烈奉詔即劍川治事能奮勇宣力區畫得宜賊將洪載

以城降仍以通守會稽石端中謀築郡城民賴以全

黃維纓

字端異巢子宣和末屢上書言事李綱為行營使嘗居幙府遭亂還郡陳長方稱為千人

之英紹興初以文名

黃璘

字邦美幼孤嗜學政和八年登第除分水丞再

州城陷太守死於難敵據州治驅迫郡縣吏使

促行急璘赴井而死時年四十璘之死也吏得

故棺以殮葬藁城外數月其弟至自吳中發棺

視之有大書于蓋曰異日諸弟來煩舉葬於先

塋之側驗之乃璘筆蹟遂負骨以歸建炎初搜

訪死節之士或言璘姓名并事實詔贈

朝奉郎官其一子璘無子以弟為嗣

黃裕

字公裕莆田人璞曾孫通經有名創義齋以來

多士立為五規曰脩身謹行立志抗節潛心經

術留意世務限日收功既沒

皇甫泌謚之曰義成逸士

黃勳

南海人家貧好學凡聖賢格言躬自抄錄紹興

初舉進士知新昌縣有政聲階至朝散大夫

黃齊

臨桂人紹興間舉進士調富川尉迎父就養時曹成寇起齊懼遺親憂自奮擒獲七十輩縣以

按堵累遷知昌化軍賜對具言桂有俊秀而賓興之數狹地瘠民貧而折納之輸重詔增鄉貢

減重輸邦人利之

黃琪

衡陽人資實方正嘗以善行誨人長子師道仕為屯田郎中次子師旦為屯田員外郎皆以清

白材幹聞

黃嘉

萍鄉人靖康初為太學生從陳東伏闕上書請誅蔡京及用李綱退詣開封責府尹王時雍曰

初見獻熙豐十事將喜君有為乃今姦邪如此時雍唯唯執政者見嘉輩論事曰諸公日止食

國家二升米耳吾徒有愧多矣後終廉州司法叅軍

黃鏐

字用和浦城人政和中第進士嘗從楊時學時器重之及為工曹守將高其才數委以事適諸

邑大水按視官部希使者意多不以實聞鏐獨減放蠲田租十之八使者怒鏐占答詳雅卒如初請再調西安丞靖康初李綱宣撫河東辟幕屬高宗拜監察御史首陳七事深見嘉納會廷臣奏事高宗曰鏐論人君治心事甚詳以諫官有尼之者除江西提點刑獄力求奉祠以卒有奏議雜著論語類觀唐史篤論共二十卷

黃公度

字師憲涵八世孫靜之子紹興戊午登第召為秘書省正字坐與趙鼎往來又嘗貽書臺

官譏詆時政為秦檜所不悅被論予祠久之通判肇慶府攝南恩州事增學廩廣賢才學者用勸南恩自唐貞觀置郡至是始有登第者邦人祠之檜死召對乞攬乾綱厚風俗高宗嘉納之

因詢以嶺外弊事除考功員外郎未幾卒纔年四十八子沃朝請大夫知邵州

黃覲

字東暉甌寧人紹聖初登第後知曹之屬縣童貫宣撫陝西恐嚇官吏以壯其威道出曹州郡

縣羅拜於庭覲獨秉笏挺立貫密令詢其姓名覲遂棄官去

黃衡

字平國浦城人建炎中第進士為安福令郡守呂源方六月欲修城壁衡以書諫且謂廬陵諸

邑累因兵火加之亢旱豈堪重役乞早罷之以慰民心郡守得書劾之朝廷下其事於憲司體覈得實守因罷去衡終得福州教官未幾用丞相趙鼎叅政孟庾薦試館職除秘書正字遷校

書郎累丐補外得邵武軍倅至家卒

黃瑀

字德藻閩縣人紹興中舉進士調饒州司戶叅軍歲旱郡檄視屬縣民田當免租者瑀請免什

九而行他縣者以什一告太守洪皓疑俾更之
瑀曰官可罷此不可易改河北轉運司主管帳
司以尚伯奮薦改知永春縣政教孚洽邑以大
治遷兩浙轉運司幹官有獻鬻公田之策者檄
瑀視之歷諸郡還極言其非便權華亭縣事歲
惡民饑瑀不俟報發廩賑之全活萬計以汪應
辰汪澈薦累擢監察御史平日與杜莘老以節
義相勸勉莘老來問疾連呼不應乃大呼曰吾
今日擊去王繼先矣瑀矍然起坐曰君能任職
吾不病矣探枕中片紙示之乃疏繼先罪狀甚
悉官終朝散郎史稱
其以篤行直道著聞

黃朴

字文卿以世賞補懷集尉攝邑事有寇至官吏
失色朴調鄉兵禦之賊畏遁去調陽江尉邑之

大豪持吏長短或謁朴朴數其過申郡寘之法
一邑肅然海寇劉承興日吞噬南恩朴率船迎

擊賊聞宵遁改秩宰安溪崇學校
課農桑檄攝詔州不就力丐祠祿

黃祖舜

福清人舉進士仕至同知樞密院事卒諡莊
定祖舜嘗奏奪楊愿恩襖秦禧秩直氣有足

尚者著述有易說國風小雅說禮
記說歷代史議及遺文十五卷

黃龜年

永福人紹興初為殿中侍御史劾秦檜植黨
欺君遂奪檜職初邑簿李朝旌許妻以女既

登第而朝旌已死家甚貧或勸其
別娶不從子衡仕至河南提舉

黃永存

字堅叟中美第四子紹興二十四年登第以
才能有聞於世召為尚書郎官軍器監淳熙

中出為淮南轉運副使俾修農戰之業以為北
向之漸官至正議大夫孫大昌隱德不仕有兼

山語解大昌子公紹字
直翁號在軒著韻會

黃煥國

字章卿揭陽人天資明敏涉獵經史登紹興辛亥進士初宰臨汀政協民心有戡亂之功

由朝奉轉朝議通判汀州秩滿汀民臥轍留之如嬰兒之失慈母立祠於南安再遷鄞江三載卒

黃延年

字曼卿知永豐紹興四年秋盜起永平鄉里正諭以不可輒為所害曼卿命尉將出捕之

先遇首惡於途皆殺之且殲其同惡二人俘其徒九人上之州事遂平為監司所論薦

黃仁儉

字約之奉化人幼警悟長於記問恬淡韜晦不與物競人莫窺其際調淳安主簿轉監台

州支鹽倉攝郡幕給軍衣有紕薄者羣卒掉臂以騷坐上皆失措仁儉徐呼其長諭以禍福羅拜曰黃佛子言敢不聽仁儉書法甚精源流二王而邁勁似歐陽率更真草行書皆見重于世

至今石刻
猶有存者

黃仁榮

字擇之孝先元孫以恩補丞務郎主奉祠簿
帥臣李陵辟為錄事叅軍復薦知金谿縣累

官直秘閣建議請盡鬻州縣閒田明高宗獎
諭曰向論鬻田戶部得緡錢五百萬者卿也遂

除度支郎中有沮之者改浙東提點刑獄復命
知秀州報政以數更易為名上曰一州得人更
之何害明年除兩浙轉運副使尋加
直敷文閣兩知臨安府移知贛州

黃維之

字叔張永春人與兄與之補太學紹興中第
進士遷國子監簿轉對進所撰太祖政要論

愛名器勵廉恥事下館學集議維之奮筆獨立
議狀可否適宜孝宗深然之除大理丞卿少欲
奏獄空維之以所隸有獄事未竟不敢書名寺
削去維之名御以聞維之白執政力求外補差

知邵武軍陞辭賜對論擢用大臣當時正素對
仁宗宦官宮妾不識名者可充其選又論乾道
新書不當刪減內侍不得干朝政後綰郡章持
使節出入監寺直道而行略無阿曲居閒十年
手不釋卷嘗與朱熹論
學人皆以鄉先生事之

黃嗣廉

字景夷輟孫弱冠入太學試以孝事君則忠
賦破題云家國雖異君親則同以此因心之

孝移為事上之忠遂中魁選紹興
戊辰擢進士第後終於宣議郎

黃願

字脩可龍溪人彥臣之子宣和中充樞密院編
脩官歷太府司農少卿知楚州時京東震恐有

劉士忠者肆浮言願便宜集其首以安眾仍請
罪于朝璽書褒獎徙知揚州安撫淮南東路加
右文殿脩撰建炎三年敵眾至城下時相倉黃
命赴京口計辦坐失官守削秩未幾盡復元官

黃預

字幾先登第調汝州教授以薦除太學正時舍法行預篤意訓導特轉兩官出知桐廬縣有惠

政入為監察御史以直言忤蔡京貶邠之宜祿尋起為廣東倉未行復貶宜祿卒有書解行世

黃中

字通克邵武人幼受書一再輒成誦紹興中廷試第二累官至兵部尚書以龍圖閣學士致仕朱熹嘗裁書以見有曰今日之來將再拜堂下惟公坐而受之俾進于門弟子之列其為人敬

慕如此卒謚簡肅有奏議十卷

黃友

字龍友通判檀州會金人敗盟郭藥師以常勝軍叛燕土響應友獨數千人與戰躬冒矢石破

裂唇齒欽宗召見稱歎之賚予甚渥

黃定

字泰之永福人乾道中進士第一累官知潮州為政務刻弊蘇瘵潮民德之官終國子祭酒直

顯謨閣廣東提舉有文集
行世今祀於潮州賢守祠

黃何

字景蕭休寧人乾道中進士調大治簿邑湖中
三山產鐵尉巡警盜鑄者四千人起為敵何至

匹馬往諭焚其具一境晏然遂延朱文公門人
萬人傑為學者師俾知趨向後知岳州以廉謹
稱歷官朝議大夫
子開為蘄州通判

黃樵仲

字道夫漳州人登淳熙第居家每旦率子弟
衣冠見家廟退則默坐終日飲食衣服不求

鮮美居喪三年人未嘗見其笑容鄉里有為非
者恐樵仲知之調汀州錄叅有善績自書于屏
云俸薄儉亦足官卑清自導
有禮記解小學口義傳于世

黃宗傳

字景孟寧德人淳熙中進士問學該博尤長
於易開門授徒履恆滿戶門外嘗自贊有曰

何事窮能到骨只緣氣要衝冠所著有易傳行于世

黃崧

字景純寧德人紹熙初武舉第四人開禧初復登進士第累官知德慶州文章政事皆有聲于時嘗追和東坡仕祿戒知足詩即乞休致又嘗掇取聖賢言行可鑑者百餘條目曰提身錄所

著有詩文又有胖軒等集

黃度

字文叔新昌人隆興進士為御史數論韓侂胄之奸寧宗時累官煥章閣學士度嘗知建安救荒有法活民百萬因立生祠所著有詩書周禮說及史通諸集

黃黼

字元章隱之曾孫餘杭人乾道間進士遷太常博士輪對稱旨進秘書郎尋除兩浙轉運副使時毘陵民饑取糟粃雜草根為食郡縣不以聞黼取民食以進乞損僧牒緡錢濟之全活甚衆

仕止權刑
部侍郎

黃績

字德遠，湣之後，初游淮、浙，徧參諸老，已而從陳密、潘柄游，及密柄卒，率同門友築東湖書堂而

請田于官祀之，讀約聚講如密柄規約，由是學者皆就正于績。郡守推入尊德堂，以繼劉、彌邵

又辟充涵江書院山長。績以獨不懼名齋所著有四書遺說、近思錄義類

黃鍾

字器之，興化縣人。號定齋。從陳昭度游。乾道中登第，待次德化尉，講學授徒里人，服其教。調漳

州錄事參軍。平生喜著述，有周禮集解、荀揚續注、杜詩註釋、史要諸書。

黃螢

庭堅姪。孫嘗從朱熹學，舉進士累官知台州。謝良佐子孫居台州者播越流落，螢收而教之，在

郡先勸後禁，訟牒消縮，郡稱平治。遷袁州所著有復齋集。

黃灝

字商伯都昌人父唐髮為平陽丞廉正而通達灝幼穎悟書史過目終身不忘舉進士歷官廣

西轉運判官初朱熹守南康時灝質疑問難熹沒黨禁方嚴灝單車往赴不少休卒謚文簡

黃碩

字興周乾道丙戌開舉奉對御題首問舜紹堯之後垂衣拱手而天下治碩言聖人出治之初

不可安於無為必先於大有為物物而括摩之事事而整齊之然後可以馴至無為舜之所以紹堯用此道也孝廟大喜親擢為第一人調平江府教授改宣教郎鎮南軍僉判再轉昭信軍秩滿乞祠歸卒于家享年八十官至承議郎

黃通

字景聲邵武人隆興元年進士第以不附韓侂胄出為江西提刑遂請老歸自號熙堂野老

黃艾

字伯耆莆田人乾道中進士第二人光宗朝以名儒充嘉王贊輪對言今日以天下之大百官

之衆商量一經界三年而不成使更有大於此者將若之何光宗從其請寧宗擢左司諫權工部侍郎兼侍講時朱熹罷經筵父因講問逐熹之驟寧宗曰始除熹經筵耳今乃事事欲聞父因請再三不聽除中書舍人改刑部侍郎

黃去

私臨川人氣槩豪爽著屯田議為朱子所知學專行確守師訓不變執親喪行古禮黃幹嘗

曰問學之士彫零殆盡江西則甘言甫黃去私數人耳

黃銖

字子厚崇安人少師事劉子翬與朱熹為同門友少熹一歲為文畧相上下熹每歎其不可企

及其文喜學太史公詩喜屈宋曹劉而下及韋應物尤喜琴書隸法甚古得魏晉以前筆意其於騷詞能以楚聲古韻為之既卒熹為序其集

黃洧

字清臣甌寧人父銳崇寧中第終朝請郎洧以父任補官孝宗朝用陳俊卿薦知南雄州遷廣

東轉運判官嶺右銓法弊甚市令供行丁賦逋欠尤為民害一切奏罷之深入瘴鄉問民疾苦移漕湖南行部至衡陽聞彬桂蠻獠為變間道一夕至彬賊驚潰乃譬以禍福發廩賑給事遂定

黃子游

字叔偃浦城人紹興中自倉部郎官知池州政尚中和檢察六邑稅籍唯青陽稅偏惻然

曰六邑皆池民賦入輕重何廼相遠如是乃求弊所從始與民之久阮不伸者歸覲奏之有旨蠲削苗米稅錢苗稅悉如五邑例命下之日百姓呼舞相與建祠祀之且為之立碑

黃裳

字元吉寧德人魁岸偉特少有奇節應淳熙二年武舉魁南宮以才見稱守長軍夷酋得顏得

丙等及清平寨蒙遣兵同熟夷骨紹等大破之
三歷郡俸入多以給親舊任子思必先其兄之
子而後己子人高其義子師旦
能詩忱恂謹厚人以長者稱之

黃希

字夢得宜黃人乾道三年進士官終永新令楊
誠齋曰夢得之學奄有古今晚年作詩慕少陵
句法有補註杜詩搜剔微隱皆前人所未發未
及成而卒子鶴續成之重定年譜名曰黃氏補

詩
註杜

黃洽

字德思侯官人隆興中登第累官資政殿大學
士致仕嘗言居家不欺親仕不欺君仰不欺天
俯不欺人幽不欺鬼神何用求福報乎洽質
直端方為兩朝名臣有文集奏議八十五卷

黃揆

字端甫三山人淳熙間知龍溪縣為人勤敏濟
以仁厚時縣乘累年弊政之後困匱不支揆理

財撫民不為表暴家給人足而田里相安陞知瓊州民為立生祠於福星堂

黃補

字季全涵之後父端第紹興中進士歷惠州教授終安溪縣令補待宦惠州時永嘉陳鵬飛謫

居於此因得師友之其為學專用心于內而世間利達不少動其心已而以其學教授于鄉及門者數百人時林光朝講學城南補在城東幾與齊名乾道八年登特科授高州文學調高要縣尉卒有九經解等書

黃渙

字德亨光澤人父敦義以六經教子七子皆有成立渙志篤學博嘗從呂祖謙游學淳熙戊戌

南省第二人後守岳州罷厨傳蠲魚稅毀淫祠卒年八十兄謙字德柄亦游於朱呂之門焉

黃由

長洲人舉進士第一累官刑部尚書兼直學士院侍御史張巖奏其植偽黨與遂奉祠嘉定間

起為浙東安撫使仍官刑部尚書兼直學士院卒贈少師

黃轍

字晦叔四歲能誦書日記數千言治平四年擢進士乙科調處州司理秩滿得衡之安仁令轍

率民墾田疇治溝洫進子弟之秀者于學時蒲宗孟察訪荆湖南北路辟為本司幹官且薦其才遷著作佐郎知新昌縣發奸摘伏而撫摩善良人不忍欺部使者奏其課為第一改奉議郎監泗州排岸丁母憂服闋拜大理丞乞補外通判筠州還朝而卒享年四十四官至朝奉郎

黃士毅

字子洪莆田人號壺山徙居吳幼知嗜學方慶元詆排道學士毅徒步趨闕師朱文公命

日觀一書夜叩所見告以靜坐勿雜喚醒勿昏居數月授以太學章句終其身從事於斯著述甚富數注儀禮撰次文公書說七卷文集一百五十卷又因語錄成言分門序次為語類一百

三十八卷嘗言孔孟之道至周程而復明至朱子而大明識者以為知言

黃從龍

永豐人嘉定中進士為郢州推官元兵入襄峴郢當要衝守將潛遁乃抱印登城大呼兵

間曰張巡許遠之事正在今日齧指書寫死戰報國四字與子熙力戰而死

黃以寧

字宗一永春人慶元中上舍釋褐分教惠陽擢太學錄差淮西漕司幹官會淮南大歉部

使者檄循行賑貸民賴全活幕畫明辨漕使嚴憚之改秩通判建寧守廼史相介弟喜事威關決有不可引誼力爭守積不能平嘆臺臣劾之父老遮留數千計歸里杜門食祠延接後進講論經義亶亶忘倦郡守樂咨以政以寧一毫不及私端平持正忤權臣者皆召以寧已先卒

黃杞

字景韋願之孫以世賞補登仕郎初任寧化尉以捕盜改秩知浦城縣有清介聲再知溫之平

陽政績尤著通判太平州民歲苦於築圩祀召
豪戶修築與免差役民得無擾除知肇慶府陞
辭奏對稱旨上目送之求便郡除知潮州尤有
惠政尋奉祠以歸祀生九月十九日守朱熹壽
以詩云須信九秋饒好景要
遲十日作陽春見敬愛如此

黃唐

字雍甫福州人寧宗朝為考功郎中時韓侂胄
為父誠陳乞作謚唐當覆議乃見宰相京鏜言
不能奉承
因求去

黃學皋

字習之龍溪人通經史尤長詩書春秋南宮
對策有曰愚獨愛伊川請改試為課及制尊
賢堂待賓齋與時論不合有司大書曰此必偽
學之流黜之久而擢第再轉鄱陽丞李博延入
郡齋校勘朱丈公續語錄又著評古一冊補註
東坡詩集一部上之諸司論薦調泉州察推需

次于家郡守屈置
于學以訓諸生

黃幹

字直卿閬縣人父瑀高宗時御史以篤行直道著聞幹師事朱熹熹以女妻之歷官知漢陽軍安慶府皆有善政在位者忌其聲譽羣起擠之幹遂歸里弟子日盛沒謚文肅所著有經解文集

黃中

字仲庸平陽人以關洛為宗錢文子一見期以國士登紹興第館閣累遷起居舍人兼侍講出知袁州泉州以右文殿修撰卒中以進士第三人中第越三十載居官僅十考故得大肆其力於學與朱晦菴往復講論欲於實地用工不徒託之空言而已嘗校藝漕闡時學禁方嚴中發策有云平居不以利祿入其心而培植涵養如木有根水有源用之則回既倒之狂瀾不用則

唱和寂寞之濱亦足以名世任此責者誰歟晦菴後見之日近年若此等議論令人歎服初入經筵寧宗曰朕正賴卿輔佐語之再三中前後三十餘疏傾心忠梗無所回撓了翁以為古之直遺

黃學行

字上文惠安人登嘉定戊辰第教授全州嘗疏歷代褒封先聖故實冠服奠享儀注上之

有旨頒胄監後知循州時贛寇據松梓山招捕使合兵破之奔逸嶺外學行激勵總追擒其酋以勞遷秩有史說垣齋類集葉

黃榮

字肅甫中之孫父瀚司農卿榮嘉泰二年第進士為靖州倅州學傍建作新書院政暇授徒講

學其中多所成就官至工部員外郎子熙知高州

黃孝恭

字令裕邵武人從朱熹學治身嚴整起居有常度論著確實

黃震

字東發慈谿人寶祐中進士仕為史館檢閱以直言出判廣德軍為人清介自守獨崇朱氏學

所著有日抄百卷卒門人私謚曰文潔先生

黃叔英

字彥貫慈谿人先大父文潔先生寶祐丙辰大天祥榜進士負材能尚氣節而甚遠於經

術嘗為晉陵蕪湖宣城三學教諭又為和靖采石兩院山長叔英於經史百氏過目輒成誦為文俊拔偉麗意氣奔放若不可禦而要其歸能弗畔於道有顛菴下筆三卷詩文襍著總二十

卷藏于家

黃師維

寶慶初為楚州官屬出盜賊白刃之衝不畏不懼李全反狀已露師維密結忠義圖之謀

泄維不為動
全亦不加害

黃成

紹定間知南雍州敦尚教化初久旱成至禱而有感雨三日歲大熟民苦賦役之重奏蠲之邦

人為立
生祠

黃夢炎

字如晦新昌人景定初進士官至慈縣尉少與姚勉胡仲雲劉元高齊名號錦江四俊嘗

相與詣書庫借其籍一覽而焚之名具紙默疏纖悉無遺夢炎後與姚龍起俱守義以終

黃申

井研人開慶初進士授德安尉調安樂丞廉謹有聲元兵拔撫州索降狀樂安令率其僚屬聯

署以上申獨抗不往吏民強輿致之申陽死令無如之何申有惠愛至暮衆昇入真中堂得免遂去隱巴山以終

黃師雄

字子敬福州人少從幹學寶慶初進士為婺州教授有文學名知龍溪縣有最行拜監察

御史劾罷史嵩之終禮部侍郎簡淡寡欲靜厚有守于邪正之辨甚明愛護名節云

黃宗旦

惠安人總角日祖禹錫命賦早春詩有就中喜自龍門客躍出洪波只待雷之句當時皆

器重之後第進士累官知襄州有文集十卷

黃萬頃

同安人第進士知雷州嘗陞言馬政甚悉擢太常少卿所著文數百篇又集古今詩話為

筆花
五卷

黃蛻

字新之淳安人淳祐七年進士第二人學博而正著作不留藁人得其片紙隻字必珍藏之自

建昌軍僉判遷大理卿所至有文學知名未幾歸老於家

黃登

字君涉少遊上庠與陳覺民有研席之好及覺民守泉未嘗干以私卒覺民以文誅之謂其窮

經恥受一命學道遂造大方視疏如享大牢在燕處若奉五戒張讀亦以隱君子目之

黃京

字華叔龍溪人世業儒初在郡學與高登友善同年擢第調連州戶曹以清白聞秩滿歸里聞登以直言斥逐恬無仕進意時年未四十性尤樂善所識有不給者厚賙之鄉人名其家曰黃

長者

黃以翼

字宗台維之猶子永春人陳淳蔡和門人也莊毅有立析理精詣暮年記問益富有易周

禮說

黃必昌

字景文晉江人從陳淳學又切磋於陳宓潘炳二賢有中庸大學講藁嘉定中登第

黃森

字水心甌寧人父駟宋季為吏部郎中森通書史諸經百家皆精詣景定間預鄉薦國亡不復

仕隱于天湖山築室數椽四圍植柏每自愧弗能如夷齊之餓死所著有正一齋集

黃介

字剛中意氣卓越德祐元年北兵至若衆奔潰介堅守不去且射且詬面中六矢不為動顧謂

家僮陳力曰爾盡力弗走力曰主在死生同之介身被鏃如蝟面頸復中十三矢倚柵而死力亦死妻劉被掠子用中逃得不死及壯求母四方逾十年得于京師以歸州里稱為黃孝子

黃玠

字伯成定海人震之曾孫自幼聰敏善記比長服膺先訓博洽無不通志尚卓然不隨俗進退

躬行力踐以古聖賢自期隱居教授孝養二親聞其名者爭遣贄迎致之每渡浙而西富家宦族尊其德學為築館舍貫田產以居之樂嘉興山水之勝卜築弁山遂號弁山小隱與趙子昂

黃晉卿相友善所著有弁山集知非藁纂韻錄
唐詩選各若干卷行世卒年八十翰林學士鄒

緝等撰狀銘從
祀嘉湖寓賢祠

黃復

字乾叟沙縣人寶慶二年第進士除山陽尉聞
汀寇猖獗獻廟堂三冊境賴以安真德秀陳韓

交薦之教授高郵軍改知興化軍興化縣轉通
判滁州與守陳廣協力拒敵廣主西門復北門
射殺敵衆數千人後廣中砲死復振八十餘日
援不至前後數百戰而歿在圍中遺子書云父
老矣食君之祿繼之以死雖死猶生也總制趙
葵餉臣吳潛上其事乞為立廟所著書凡三十

卷子屋廣
皆從事郎

黃去疾

邵武人咸淳間宰將樂創龜山精廬聚輯簡
策政暇與學子誦習其間又取龜山紀而訂

正之題
曰年譜

黃仲元

字善甫績之子咸淳中登第陸秀夫薦充益王府撰述官除武學諭太常博士兼閩廣宣

撫司機宜改國子主簿兼福建招捕司叅議官皆不赴宋亡改其名字曰淵天叟又改其四如之號而以韻鄉贅翁彥安為稱窮居稽古深入理奧率以向上自處不忝其父年八十二卒有四書講業經史辨疑如文藁行於世

黃文政

淮人戍蜀軍潰間道走靜江馬堅邀與同守城破文政被執大詬不屈元軍斷其舌以次

剗則之文政含胡叱咄比死不絕聲

黃清老

邵武人天資穎悟五歲日記數千言泰定中舉進士累官翰林編修及為提舉作成人才

甚衆時重其學行詩有盛唐風存者數千篇又著春秋經旨四書一貫數千卷

黃

成

邵武人年弱冠厭棄榮利慨然以聖賢道學自力學者號曰存齋先生至正間隱居不仕

著述甚富以壽終

明

處士

黃極

字建中樂安人師事草廬元統中南臺薦其窮操理義之學恪守貧素之風廉介不阿不求聞

達而極不起所著有建齋集族姪用能詩有江西集

黃公望

字子久富陽人聰敏絕倫通百氏說尤工畫山水運思落筆出人意外意表元至元中浙西廉

訪使徐琰辟為書史未幾竟棄去更名堅號一峯又自稱大癡道人放浪江湖年八十餘卒

黃元承

字子厚婺源橫槎人以蔭主杭之於潛簿累遷至鎮江丹陽令所至以廉稱知丹陽時招

延鄉人王伯修教授諸子王嘗借書於縣民元承見而怪之曰昔人以借書招魄金之謗獨不聞乎亟召而返之至於常俸不能自給輒令家人鬻產以繼之其自守如此後遇賊不屈而死

黃道賢

泉州人嫡母唐無子道賢襁褓時生母蘇以疾去道賢長屢請于父召歸孝養二母父篤

疾醫莫效乃禱天願減己年紀益父壽父尋愈比卒果延一紀廬墓終制後至元初旌其門

黃宏

黃巖人博覽羣經尤長于詞賦有以史才荐者不就落魄江湖幾三十年文章流播四方有穀

城葉

黃異

顯之裔孫少好學讀書于白鹿洞至元間舉進士為廣東惠州學錄後陞道源書院山長元季

兵變隱不仕自號節菴有詩集三十卷

黃覺經

南城人五歲因亂失母稍長誓天誦佛書願求母所在乃渡江涉淮行乞而往衝風冒雨

備歷艱苦凡三十八年至汝州梁縣得之至治中旌表其門閭

黃暉

字殷士金谿人博學明經善屬文尤長于詩仕至翰林待制兼國史院編脩官京城既破暉嘆

曰我以儒致身累蒙國恩今縱無我我何面目見天下士乎遂赴井死有詩文傳世

黃潛

義烏人自幼篤學博極羣書事常山教諭王炎澤發為文章如澄湖不波一碧萬頃用是擅名

當世延祐初進士累官侍講學士卒贈江西行省追封江夏郡公謚文獻有文集行世

明

黃采

字宗素洪武中任監察御史平反藍黨誣誤者三百餘人數言事調龍溪知縣先是縣用市民

拘繫里胥以集事采至釋之示以信義由是事集而民以安復召為御史已而擢知兗州考績

民詣闕留之九年遷知紹興府卒采學行純正
所至郡邑有循吏風從兄琮字廷玉洪武初科
舉人知鄜州中部縣公正愛民政
務具舉民頌其德官至府同知

黃正

字景齊祖籍京口洪武初戎伍滁城正生而至
孝讀書尚禮母華氏年八十餘歿于家正居喪

哀毀廬于墓側負土築墳素食三年郡守周
公正嘉其孝行真切上其事詔旌表其門閭

黃福

字如錫昌邑人風采凝重器量宏偉洪武中鄉
舉入太學歷官北京刑部尚書交趾平福往鎮

之交人戴之如父後代歸交人叛福佐師征之
失利交人獲福拜且泣護送出境遷少保兼南
京戶部尚書前後屢上疏論事皆切時務多見
施行憂國忘家老而彌篤卒之日家無百緡

黃宗載

字原夫豐城人洪武末進士拜監察御史巡
歷四方所至有冰蘗聲累官吏部侍郎進陞

尚書為人中正和厚寬裕有容長
於詩詞以引年致仕士林重之

黃淮

字宗豫永嘉人洪武中進士授中書舍人永樂
初首選入翰林歷官至少保戶部尚書兼武英
殿大學士宣德初以疾致仕後復來朝特命考
會試得人甚多年八十三卒謚文簡子采官至

太常少

卿卒

黃哲

字庸之南海人國初膺薦待
制翰林後判東平號雪蓬

黃鉞

字叔揚直隸常熟人洪武中以生員薦授宜章
縣典史建文元年舉湖廣鄉試庚辰進士授刑

科給事中憂歸北平師入聞姚善死慟哭登琴
川橋西向再拜祀善慟哭曰吾與君同受國恩
國有難義同許身君今與希直同死國吾獨忍
生乎祀畢始家人歸祭具遂從容整衣冠奮身

死入水

黃觀

字潤伯直隸饒池人初從許姓洪武庚午舉鄉試第會試廷試俱第一授翰林院修撰復黃姓

累陞尚寶司卿禮部右侍郎建文中改侍中文皇索齊黃時觀草詔極其詆斥建文四年觀奉詔募兵上游且督諸郡勤王至安慶聞變痛哭自分大事已去乃復朝東向再拜於羅刹磯湍急處投水而死妻翁氏在京師被逮將給配象奴翁攜二女投淮清橋下而死詔籍其家并逮姻黨仁宗初得釋

黃子澄

名湜以字行江西分宜人洪武乙丑會試第一進士第二授編修累官至太常卿北平師

入江淮諸將連敗子澄撫膺慟哭曰大事去矣誤薦景隆萬死不足贖誤國之罪賦詩曰仗鉞

曾登大將壇貂裘遠賜朔方寒出師無律真兒
戲負國全身獨汝安論將每時悲趙括攘夷何
日見齊桓尚有劍憑誰借哭向蒼天幾墮冠
北平兵至淮上建文君不得已逐子澄且密使
募兵而以竄齊黃使告燕文皇曰此緩我也蘇
州府知府姚善言子澄文武才畧足捍國家難
顧置諸閒遠以快敵人胡失計至此始急召子
澄未至金川門失守文皇執子澄不服族其家
黃魁不知何許人建文中為禮部侍郎與陳迪黃觀
共事魁行古雅有文學習典禮迪觀皆愛敬之
北兵起不屈死之

黃正

碭山人氣質方剛言語必正居家以孝聞擢右
僉都御史彈劾不避權要後忤旨出為廬州英
山縣吏及平金山叛寇復陞左僉都御史未幾
命討雲南叛夷降服而還至普安遇賊中傷

黃懋

字子勉元氏人永樂中進士累官嘉興知府有能名尚書夏原吉甚重之吏民戴之如父母尤

篤意學政孜孜好賢樂善有古良吏風後遷福建左布政使致仕卒

黃養正

瑞安人七歲善書永樂初徵授中書舍人累官太常少卿凡朝廷碑刻多其所書為人謹

厚尤善詩畫卒贈太常卿

黃純

字粹衷滁州人永樂丁酉鄉試明年舉乙榜歷輝縣蒲圻學諭秩滿赴部超拜兵科給事尋陞

江西僉憲奉勅提學德行文章為時推重

黃信中

溫州知府有廉介名屬邑奸民至京告其鄉人嘯聚為非都臺檄布按官詣府治之信中

力抵其誣脫者三百餘人又盜殺一家三人者詞連無辜累年信中至乃具虔告城隍遂得其

情

黃信

彭澤人洪武中由太學生擢監察御史有能聲尋陞廣西按察使未幾轉任湖廣按察使持正

不撓進陞都察院右副都御史

黃定

字升志烏程人洪武中由國子生授吏稽勲主事轉考功郎中遷山東布政使定端重清約與人語欵懇若恐拂人意遇不合則毅然不與之苟同年七十七卒于家

黃驥

全州人洪武中領鄉薦為沙縣教諭後陞禮科給事中三使西域嘗有疏論外夷貢馬及官軍

下蕃之弊詞甚剴切上嘉納之命為定制自是陝右之民少蘇尋陞右通政奉命撫諭南交使

還卒所著有黃門奏章

黃立恭

滁州人性寬厚有巧思洪武初駐蹕渡江累官工部侍郎

黃壽生

字行中莆田人永樂戊子京闈第一辛卯舉進士改庶吉士預脩五經四書性理大全書

功除檢討壽生端重博瞻時人重之

黃仲芳

字時茂建安人永樂中進士選為翰林庶吉士知東陽縣首鋤豪民及奸吏之為民患者

鄰郡有盜犯境仲芳以計殄絕之市有三虎為暴仲芳移文城隍果射中其一餘遁去秩滿邑民詣藩臬懇留弗獲有涕泣者大臣以才行薦擢湖廣左叅議施州有偽土官田姓者殺兄而奪其位越十八年捕之不能得仲芳設方略擒之尋遷雲南右叅政奏開中鹽之法以助軍餉卒于官所著有澹菴集旬宣集琴堂微垣平恕錄

黃潤玉

字益清，鄞縣人。永樂中舉人，授南昌訓導。荐陞交趾道監察御史，陞廣西按察司僉事，降

含山知縣，致仕。門人稱為南山先生。子隆進士，按察副使。

黃譽

字廷永，莆田人。少有志操，剛果自立。正統甲子，舉鄉試第一。登戊辰進士，授南京監察御史。景

泰四年，遷浙江按察司僉事。所至摧奸去暴，雖中賢從人無所避。號括地黃，諭除草盡絕也。材高氣烈，人敬憚之。天順四年，擢浙江布政司叅政。丁內艱，歸服闋，成化二年改除湖廣。未幾卒。

年五十三。子穆秀，秩皆舉鄉貢。

黃猷

字聲叔，後埭人。兄鼐第。正統初進士，為戶部主事。猷宣德中以明經薦，授仙遊訓導。勤以教人，

而尤篤於義。知縣王彛嘗以白金二百兩寄猷，彛死，猷呼其子來授之。丁內外艱，改無錫。後改

麗水時浙寇張甚衆以猷有才略推以捍賊猷
部署既定乃諭以忠義衆感激鼓之而進賊遂
奔潰天順中以教有成績陞廣元教諭與僉事
董公應軫同入蜀董公船覆呼近岸諸小舟莫
肯前猷曰是欲得財耳乃自出囊金授之衆乃
亂流而進董公獲免既抵廣元其邑為蜀北鄙
戍卒多而編氓少學政久廢猷力以義倡率廣
元人士相與修學舍建文廟每日衣冠坐堂上
授諸生以詩書背誦覆講如法廣元人樂從其
教久而心益愛姪綸舉鄉貢官順德教授猷之
子也孫顯亦第進士授
戶部主事遷員外郎

黃紱

字用章封邱人正統進士授行人陞南京刑部
主事累陞南京戶部尚書改都察院左都御史
掌院事致仕卒紱慙直岸異威稜截然見之
者畏聞之者懾非死生富貴足以動之者也

黃璵

字玉輝純季子由鄉薦登天順庚辰進士授雲南道監察御史因劾權奸左遷常山縣丞未幾

陞知化州改道德二州所至興學除弊政化大行士民德之

黃孔昭

字世顯太平人天順進士仕至南京工部右侍郎卒嘉靖中贈禮部尚書謚文毅子備舉

進士吏部郎中孫綰官生歷官禮部左侍郎陞尚書致仕孔昭學純志潔公正剛直重如山不移勢以動介如石不逐物以移

黃珂

字鳴玉遂寧人成化進士授知縣陞御史仕至南京工部尚書致仕卒贈太子少保謚簡肅子

華嘉靖進士南京工部尚書致仕珂方廉端慎敢于任事自御史晉司空所至著聲績為時名

卿請老去完名全聲士論歸之

黃璉

字良器南海人少有文名每試人即以魁解待之九試皆枉時督學以璉當廩所厚詹孟和當

次缺孟和貧而母老乃謝曰吾可無廩不可使孟和有菽水不及之悔請以廩讓督學義而從之成化間遣使暹羅鄉人有徐幹者選軍捐行以宅與璉為行資比過洋舟壞溺死幹子桓欲歸其宅璉曰而父死王事而孤且貧若是宅吾尚忍言邪舉券付之桓感泣而去總制都御史韓雍辟為館賓璉堅不往屏居城西授徒著書晏如也璉博洽尤精於經學門下士多成進士者二子束聚皆以科目顯卒年六十餘贈至工部右侍郎兼左僉都御史

黃仲昭

壽生孫成化二年進士選庶吉士授翰林編修五年春命儒臣進元宵煙火詩同官章懋

與仲昭檢討莊祖共疏論之調湘潭知縣未至改南京大理評事南京各官率取直堂隸兵收

資自入獨仲昭懋等不肯從衆既而轉寺副遷擢伊邇謝病歸弘治初起為江西提學僉事自壽生至乾亨四世居官率身皆廉約恭慎學問文章世濟其美為莆名族之冠

黃宏

字德裕六合人弘治壬戌進士任萬安知縣擢戶部主事以便養改南京刑部進祠祭郎中轉

江西叅議九江盜起凌閔之黨甚熾聞宏往走西山實據寧濠上世之墓莫敢兵也宏襲之夜遁擒其孥明年濠舉兵率羣盜以叛先陳壽宴兩院三司畢至明日期往謝首殺都御史孫燧按察副使許逵一時迫脅者多得釋宏不服以手械向柱覺頂死之暴其屍數日逆黨劉養正請具棺後濠誅贈宏太常少卿祀于旌忠祠

黃鞏

字伯固莆田人弘治進士授刑部主事歷兵部郎中以直諫逮詔獄除名嘉靖元年召任南京

大理寺丞卒于官贈大理少卿武皇之南巡朝野危疑社稷幾搖而鞏獨奮其精忠危言極論明白痛切可為流涕讀其書雖與日月爭光可也

黃衷

字子和南海人弘治丙辰進士歷兵部侍郎

黃佐

字才伯香山人正德庚午解元辛巳進士由翰林庶吉士累官宮詹免歸素有才名嘗督學西

粵以文著稱卒贈禮部侍郎諡文裕

黃宗明

字誠甫鄞人正德甲戌進士授南京武庫主事陞武選員外郎時王守仁倡道學宗明從

之遊論說良知之旨會寧藩孽啓遽上江防三策為大司馬所重復疏諫南巡尋乞疾歸卒已陞工部郎中不起癸未補南刑部會大禮議起朝紳羣咻之而宗明與二三人者論獨合至署

丞何淵復請入太廟宗明即疏不可乙酉出守吉安首建白鷺洲書院以道德勗諸生丙戌轉福建鹽運使丁亥召修明倫大典丁內艱服闋陞光祿卿即籍光祿經費疏乞防奢止慾正德養身定經制必貪饒上納之著為令陞兵部右侍郎編修楊名言權竇下獄上疏言楊名罪不罪宜有定法然罪一楊名而必求主使之延及善類將盡於一網其關國家元氣不小乞寬名罪出參政閩省已乃召補禮部會莊肅皇后晏駕廷議欲從殺禮宗明力爭之遼陽廣寧軍變復疏論乞擒渠魁以昭國體議者偉之轉左侍郎未幾卒宗明為人溫厚寧靜然諒直不阿風節昭著以是頗與賢勢不相能竟岸然挺拔無所屈其應變成務沉幾默有定力人以為心學之驗云

黃瓚

直隸儀真人正德間以都御史撫治山東節用賑恤值武廟南巡調度有方民恃不擾性鯁直

嘗面斥人過官僚肅然平生以清苦自持比歸家無蓄貲士論重之

黃省曾

字勉之吳縣人舉應天嘉靖辛卯鄉試第四竟以任達跣跡終其身生少後於昌穀尤長

於學於書無不覽而考研鉤審精思徵辨於經傳義疏古今事變典彙章物幽邈猥雜損益變化無不究通故其詳聞奧學近古無比文亦多為俳儷引援緝綴廣喻肆陳獵前之華而追琢加之故鎔冶衡範操裁具嚴而所自放恣涵滌混涵包洞亦可奮千載於時喜名之士咸出其下詩賦雖云我則未暇然昌穀外無論也蓋有意見之行事故不徒虛文為子姬水亦有雋才雖讀書不逮父而其所著五七言尤深愜作者或謂勝之然逐時趣取流易僅唐以來不能出

六代上尤工書學苦嗜古賞識雍容甚都謂流風未謝

黃正色

字士南無錫人嘉靖己丑進士官御史以直言謫戍遼東隆慶初復起歷大理寺卿

黃養蒙

字存一南安人嘉靖辛丑進士歷南京戶部尚書

黃光昇

字明舉晉江人嘉靖乙丑進士歷刑部尚書

萬姓統譜卷四十七